

四庫全書

史部

欽定四庫全書

史部

浙江通志卷一百八十八

詳校官給事中臣戴璐

檢討臣德生覆勘

總校官編修臣倉聖脉

校對官中書臣李荃

謄錄監生臣張士琛

欽定四庫全書

浙江通志卷一百八十八

人物八

義行中

湖州府

漢

錢讓

兩浙名賢錄世居吳興時吳郡太守薛固為法吏所枉詔付廷尉讓攜同郡婁縣卞崇詣闕稱

冤廷尉收讓拷竟楚毒備至而讓辭色不撓遂囚於圜土守之以兵讓恬然自若枉聲彌厲天子奇

其節用之

費鳳

吳興掌故字伯簫烏程人初舉孝廉拜郎中除陳國新平長官司舉其才賢乃讓其弟而退身

還鄉其後故鄣不靖命鳳試守即討平之轉堂邑令其弟仕為九江太守早卒又以腴田讓與弟之子行義高卓詳見卜引石助誅辭之碑

晉

吳達

晉書本傳吳興人經荒飢疾病合門死者十有三人達時亦病篤其喪皆隣里以葦席裹而埋

之達夫妻既存家極貧窘各無衣被晝則傭賃夜燒磚甃晝夜在山未嘗休止遇毒蟲猛獸輒為之下道暮年成七墓十三棺時有賻贈一無所受太守張崇義之以羔雁之禮禮焉

## 南北朝

褚慧開

嘉靖烏程縣志字智遠以拯濟為務孝武七年出穀賑貧鄉邑賴之有三人積飢食飽至死其家訴縣誣慧開餉殺餓人邑令笑曰乞食飽死反怨主人法無此科遣而不問

## 隋

姚最

兩浙名賢錄字士會武康人僧坦之子察之弟年十九隨父入關明帝盛聚學徒校書於麟德殿最預為學士隋文帝踐極除太子門大夫後襲爵北絳郡公及平陳察至即讓封於察轉蜀王秀府司馬秀陰有異謀最屢規切不聽及敗最任以為罪時論義之

## 唐

施廷皎

嘉靖湖州府志故鄣人性友愛三徙同居無間言代宗聞而義之大歷六年旌其門

宋

朱承逸

西吳里語烏程人居城東門為本州孔目嘗五鼓趨郡過駱駝橋聞橋下哭聲甚哀乃有

人為勢家逼債錢三百千攜妻子將溺於水朱憫代還之其人感泣願終身為奴不聽復以二十千

給之而去慶歷庚寅歲飢以米八百斛作粥散貧民是歲其孫服生後登熙寧進士第二

沈竭

德清縣志字孝光七歲喪母痛慕無已既長獨營祖塋不煩族氏嘗遇大盜刦掠殆盡後探筭

中得剩金則友人鄒德深所寄也亟封還之

元

沈野先

歸安縣志歸安人仕浙省都總管照磨捐田千畝創義塾以教子弟鄉人來學者隨材成

就又置義莊贍宗族鄉黨貧不能婚喪者量厚薄而給焉

蔣必勝

長興縣志字質甫長興人以明經教授高郵陞慶元主簿至元丁亥建義學割田二頃餘

山地十頃有奇收租粒備用弟必壽必昌及猶子克明字德芳者善承先業至治間聞於朝賜額東湖書院泰定間除山長一員主教事仍創大成殿明倫堂東西兩齋聖賢遺像每歲州牧及教官致祭後復益田二頃山地四頃有奇諸用贍足又立大宗法以合族屬斥浮屠教以樹喪紀設義倉以濟鄉人置義塚以澤枯骨凡四世同居朝廷旌其門曰義門楊維禎撰東湖書院碑記祁寧撰義門蔣氏流芳序劉基撰蔣克明行狀

明

費容

烏程縣志字舍之烏程人永樂中為萬石長遇歲大歉代納一邑稅糧有司上其事詔予七品

散官

施濟

兩浙名賢錄歸安人居家修雍睦之行設義塾以訓族屬子弟使就食焉嘗至墓所適有盜砍

其塚樹者即蔽身林翳間候盜砍完下地乃使人從容名語之曰吾不汝追恐汝墜地此樹皆吾祖宗神靈所依慎勿再爾盜愧謝棄所砍去濟令家人舁而與之

錢完

烏程縣志錢村人正統六年出粟二千斛助賑勅賜褒諭仍旌獎其門

吳宗孟

吳宗義

歸安縣志邑人正統庚申歲飢兄弟遵父安遺命賑粟千石景泰甲



戊又飢復捐千石例當冠帶乞移榮於父朝允其請勅旌義門弘治壬子又大飢宗孟子璋捐白鏹

千兩糴穀四千石助賑事

聞於朝建父子孝義坊

張禮

歸安縣志邑人初試萬石長賦於民甚平正統已巳浙閩二寇交訐禮挾策餉軍佐平之叙義

授七品散官募公藝家風著家範二十則五世

同居合爨者百二十餘年弘治初詔旌義門

俞晁

鄔仲寧

徐總

沈安

俞益

烏程縣志並烏程人正統

景泰間循例納粟助賑給冠帶仍表其門

張翼

歸安縣志歸安人讀書慕義正統已巳輸餉六百佐平閩寇景泰天順兩朝復輸粟五百賑飢

憲司上其事優詔褒叙以老年賜冠帶舉大賓

潘昱

烏程縣志號清隱邑人景泰五年歲大侵安吉州尤甚民以徵科激變郡守趙某延昱問計昱

曰若輩苦徵輸耳帑有歲積願代輸一州全賦於是牛車所至歡聲載道官民賴以安全至豐年官為徵償昱焚券而還撫按上其事賜七品職銜旌表其門

王和

烏程縣志烏程人景泰五年歲大侵郡守募能賑者燕之公堂以多寡為位次和謂長子玘曰

數千穀細事耳爾出不首坐歸無見我玘至郡俟富室書數畢更益其數而書之適呂山吳氏後至數復有加玘坐其次和為不怡者累日玘以情白郡守願再輸千石郡守張席獨宴之玘歸父子懽然玘字朝用以賑授義官

尹政

烏程縣志烏程人景泰五年賑粟八百斛詔旌其閭

費鑑烏程縣志字市隱烏程人景泰中傾家救荒特恩予儒官旌其門曰孝義正德初邵遭洪水哭

訴御史臺請疏  
改折鄉人德之

許百高孝豐縣志孝豐人成化間出穀二千石賑窮民賜勅褒之

溫璋烏程縣志號桂軒邑人成化間解糧京師道由山東值歲侵民競鬻妻女完賦璋即捐所運糧

千二百石代輸抵京假貸自  
納事聞有旨褒異給章服

茅遷獻徵錄號南谿坤父也好施予人有緩急不惜傾圉以濟割負郭田百畝以贍族之貧者

丁讚長興縣志字世美長興人遇歲歉發貯穀三千石給百里貧民捐金助脩尊經閣葺橋梁傾圮

者一十三處  
以免病涉

章廷俊

孝豐縣志孝豐人隆慶六年出穀五百石賑濟尚義有旌

茅國縉

獻徵錄字薦卿坤子撫伯兄子如已子割腴田五頃差五服親疎而周其急名曰茅氏義

田又為義倉積粟以濟凶荒族有售百金產者三售三返其田蔡司馬子客死其遺腹子幾沒於豪

右之手收畜之妻以女而教之成所過見道殣必具棺埋之以舟載絮襖衣寒者歲常數十百人

婦抱絲而鬻於市持金還夫視之質也相持而泣力償之諸生逋稅當黜各予數百緡客五十無子

贈之婢舉子凡過時不婚者必資之婚每言此天地好生之義也他所賑卹若李司務張塾師輩吳

興人歷歷能道之

沈塾

湖州府志字子居烏程人郡大侵當事議平米價塾以趙閱道富彥國爭民賴以甦築室培地

有藏金見役者告曰此公土也曰然此吾土也當其藏時非吾土也趨告縣不稍自私家法嚴肅進止以古禮自持

周文政

長興縣志字惟德長興人任俠好施里中視若怙恃建宗祠以合族人又置義田義塚義

學後以太學生校參軍詔表其閭

關大宗

烏程縣志邑人萬厯戊申大水獨力赴京會同邑朱應選等在邸合詞詣闕奏准湖州七

屬錢糧悉予蠲免年九十餘精力猶強健每出任勸賑事必力為之巡按旌其門

朱應選

烏程縣志字少渠邑人慷慨好賙卹宗黨不責報萬厯戊申遊學京邸聞郡大水與同邑

關大宗合疏奏闕蠲免七州邑錢糧又湖水衝陷額田四十七畝有奇里民歲辦虛糧甚困應選白

直指使  
題豁焉

茅一臯

歸安縣志字星海邑人萬厯戊子歲侵傾廩倡義輸穀五千石賑飢得旨建敦義坊於花

林里

吳世裕

歸安縣志字伯順歸安庠生性孝友宗黨有貧乏者多所周卹萬厯己酉歲大飢郡守議

開賑世裕先發已廩為之倡至築城墉建水柵拓宗祠修譜系繕祖塋掩骼埋茆脫人於厄恒殫力圖之其敦本尚義為一鄉推重壽至百歲

沈儼烱

舊浙江通志字聲生歸安人授華亭學博捐俸葺學宮課士之餘遇郡邑大事輒有建白

歸里杜門著述子挺崇祀鄉賢曾孫三曾愷曾涵皆貴顯

錢承望

舊浙江通志字駿聲長興人歲飢縣令委往江右糴賑適米貴遂鬻田補價口不言功又

捐金贖還掠賣之女不受其報

吳煜

歸安縣志字文度湖州府庠生積累善行捐貲置祭田偕族人共祀遠祖里黨不能婚塋者必

拮据以助訓子孫惟以積善二字著有家訓及守待編

嚴義

舊浙江通志字素安歸安人路拾遺金守之信宿以還其主偷兒踰垣入識其為里中兒急持

金贈之促之去恐家人取火見之則終身不得為人矣及歿其人臨喪痛哭曰非公孰能全我安忍沒公善

姚世贊

舊浙江通志字容齋武康人以數百金買地塋親術家言其穴當遷數丈但不利隣塚贊

曰豈可妨人以利已耶卒不遷其友以千金寄貲將死謂曰不必償後其子產業蕩盡貲重為之立業

國朝

丁璫

鄉賢留祀冊長興人歲貢生事母孝年七十庭桂生芝一本人稱孝感歲浹飢倡率捐賑於路

多設厰遍給鹽粥民免流離康熙二十七年入祠

朱耀

鄉賢留祀冊長興人居家孝友敦尚實行樂施濟困鄉黨稱之

寧波府

漢



王修成化四明郡志句章人順帝時為揚州從事軍變殺厯陽太守伊曜修誓衆奔入賊營取曜屍

葬之人

服其義

鄭雲

兩浙名賢錄字仲興鄞人與梁宏俱為吳郡太守尹興主簿興以楚王英事覺被收并雲下洛

陽獄雲篤始終之義明興非辜不以拷掠誣服竟獄死後使者以陸續母具食事陰嘉之上書說行狀乃赦興等放還鄉里禁錮終身雲既死旌表門閭

梁宏

兩浙名賢錄少隱海隅有盛名吳郡太守尹興辟為主簿楚王英謀逆陰疏天下善士及事覺

顯宗得其錄有尹興名乃徵詣廷尉獄宏與門下掾陸續功曹史駟勲及掾史五百餘人詣洛陽就考諸吏不堪痛楚死者大半惟宏與續勲拷掠肌肉消爛終無異辭後得釋放歸田里

宋

馮制

成化四明郡志字公初慈谿人康定間大飢民至相啖食家有穀數千斛悉貸之賴以全者百

餘家舍東有古陂縣長年經俾鄉先生王致楊適畊之民數奪其潛水制諭民穿古渠引潮以溉無復奪水之擾二先生割田為壽制曰吾哀先生窮耳豈望報耶踰錢塘會故知錢寺丞負客債數百緡索之急悉與償之居常聚族子弟誨之使學務中規矩未幾第準子碩姪景相繼第進士躋顯官

陳大雅

象山縣志象山人性慷慨調卹親族里黨空乏者無少靳嘗舍逆旅遇同邸客病將死衆

散避大雅獨晨夕相守傾橐裝治湯藥俟病愈始去人服其義長於詩趙清獻拊深器重焉

童判子

嘉靖寧波府志鄞人逸其名嘗為典庫稱判子家養疎屬數口奉寡母承順不違其甥不

事產業屢負人債輒為償之不以告  
姊王安石以鄞令物色之遇以賓禮

王文亮

奉化縣志字昭遠嘗渡浙江有忘金百兩於  
舟者文亮最後獨見之留三日待其人至歸

之而去不告以名見  
王安石所撰墓誌

沃元瑀

舊定海縣志字君實熙寧八年歲穀不登疫  
癘大作元瑀躬行郊野掩覆齒豁日散庾積

以應貸者及秋亦  
不責償悉焚其券

翁升

天啟慈谿縣志字南仲登元豐三年進士第自  
奉簡簿而勇於急人睦親恤孤平糶賑乏鄉人

敬之諱升斗之升而  
不呼別字之曰十合

陳之翰

嘉靖浙江通志字憲之鄞人初鄉人貸金若  
干其人給曰金俱墜水之翰不疑也後數年

其人內悔疾且死遺其子歸所償金之翰受而不拒徐以所償助其喪塋崇寧二年部使者薦於朝之官

林暉

成化四明郡志字公著鄞人大觀間陳忠肅璫寓於鄞暉獨厚之後徙謫他所問遺不絕建炎

四年明州燬於兵暉未暇葺舍宇首捐錢數十萬修理學宮且輟田五十畝為養士費太守舉以風人郡

聞子德

鄞縣志字克新與弟子聰創祠曰忠遠構東西二堂曰積善積慶造橋利涉咸稱曰聞郎

橋開彈烏堰以置硿通湖蓄水溉田鄉民沾利咸稱曰聞郎硿飢者資粥病者資藥死者資棺闔邑以善人稱

李猷

兩浙名賢錄字嘉仲一字猷夫鄞人建炎初以婦翁沒王事自汴京詣南都行在所遇友人陳

少陽東被召至舍館未定乃為假館於太僕寺丞陳正彙東再上書不報有榜通衢斥附會李綱者

猷知為東將勸之歸而東已逮赴應天府隨戮於市猷哭且祈曰少陽以忠諫死勁節英氣當不與

草木同腐吾欲收以歸葬莫能得少陽有靈其啟我心越一日得尸又一日得其元合而斂之方買

舟東下會其鄉人胡中行從太學來欲親護喪猷服其義并以行李付之亦不暇詢婦翁事而還

余晦

定海縣志定海人天錫從子歷官尚書置義莊以贍宗族

汪伋

成化四明郡志奉化人與弟份並好義樂施嘗捐貲建郡學及橋梁七十二處參政樓鑰記其

事

王漢英

成化四明郡志字彥古奉化人登淳祐元年進士第少聘徐氏女因病鼻腐以貌醜自嫌

誓不嫁父母辭曰君盛年高科不患無良配不敢以辱君漢英曰汝女有疾非漢英誰適既婚相敬如賓妻沒終身不畜婢妾

豐有俊

行營雜錄字宅之四明人過倡樓見一妓疑是故人女累目之妓亦省酒罷留宿詰之果

然豐曰某所以留者以坐間不敢問也且各就寢必有以處汝豐與京尹有契明日以白尹且云某僅有錢百千從公更貸二百千嫁之尹嘉其誼即取入府厚奩具擇良士嫁焉尹即王宣子佐也

袁昇

宋史本傳慶元府人為郡吏給事通判廳勤謹無失歲滿當代不聽去後通判至復留用之因

至豐饒夫妻俱近五十無子其妻資遣之往臨安置妾既得妾察之有憂色且以麻束髮外以綵飾

之間之泣曰妾故趙知府女家四川父歿家貧故  
鬻妾以為歸荃計耳昇立送還之其母泣曰計女  
聘財猶未足以給歸費且用破矣將何以酬昇曰  
賤吏不敢辱娘子聘財盡以相奉且聞其家尚不  
給盡以囊中資與之遂獨歸妻迎問曰妾安在告  
以其故妻亦喜曰君設心如此行當有子明年生  
韶官至參知政事

元

王昱

舊浙江通志隱鄞之吳山元初徵辟不就南江  
為鄞奉孔道渡江者多溺昱獨力建橋二十四

洞橫截急流至今賴之裔  
孫塢明弘治間為御史

童金

兩浙名賢錄字子丹慈谿人至元間以才能薦  
授進義副尉歲督海運秩滿扁所居曰一間築

堤浚澤興水利於鄉即先廬側築室百餘楹為義塾割腴田四頃延名師以淑來學又別置田二頃代鄉鄰之輸及給貧不能養死不能斂者大德中歲飢發積以貸全活數千人有司奏旌其門

倪天淵

嘉靖寧波府志字震亨鄞人樂施與窮乏者假貸無吝色有負逋者即焚券不責其償歲

大疫手製藥以施之時江南歲漕白糧由海運達畿天淵籍占漕役躬自蹈海有舟十艘每運數萬石他舟或滲漏米腐不可餉即以餘貲代補之至元戊寅漕舟多沒於風天淵舟漂高灘上衆欲捨舟天淵且拜且禱俄而神炬見桅端光輝燭人風回獲濟中臺御史袁賽音布哈按行海道嘉其盡力王事狀聞於朝旌之曰高年者德之門

葛魁

天啟慈谿縣志邑人世居邑庠之南樞星門當其所居之後元貞四年有街者相學基云必南



嚮直達為甬道局壯氣通科第大振魁聞之毅然  
曰吾何惜此片地不以全一邑之美耶遂割其址  
之半廣五十尺袤三百五  
十尺屬之黌宮以廣其制

樂大原

嘉靖寧波府志字君道定海人大德丁未東  
浙大疫大原發巨艘販泉南廣東之米平價

使人就糴遠近畢集活者甚衆父占籍清泉鹽場  
凶歲官不降本亭戶失業大原發貲視官本增三  
之一以貸諸戶隨其力之所及而收其入被惠者  
衆有持舊書易米濟飢者輒應之遂蓄至數千卷  
曰吾子孫必有能讀是者孫良果能讀  
書一時名卿若黃潛王禕咸器重之

張文英

鄞縣志字君秀居甬東隅修砌百丈街石以  
浮橋為通達之處延祐二年建亭橋側施茶

水以濟渴避風雨夜則安宿守橋之夫  
及卒人皆德之即亭為祠歲祀不廢

薛觀

嘉靖寧波府志字景荀一字處靜鄞人在宋時聚族千指同居合食者五世號義門薛氏觀於

至治癸亥以書經登賢書分教平江之常熟後遷杭州教授攝沅江縣事既而引年致仕

陸天祐

鄞縣志邑人慕源洛之學欲建義塾以教鄉之子弟未就而卒遺命其子居敬思誠俾成

之泰定天歷間構塾一區於東湖近萬錢里中奉文公朱子兄弟共割田百六十畝為報祀廩贖之需浙東帥王木齋名之曰東湖書院堂曰育英延師講學以淑一鄉子弟程端學為之記

陳紹

兩浙名賢錄字成甫慈谿人家饒於貲而性尚澹泊粗衣糲食惟以行義為急遇鄰里喪不能

舉者塋之死不能斂者資其衣棺貧不能自存者賑以粟里有金生者貧而能守紹敬而憐之密於暮夜持金錢投其家時邑令富德庸嘗主其家紹告以撫字當急瘠民肥已君子弗為令終任一介

不取及代歸囊橐蕭然適長女死  
紹為之斂且出所積以助其裝

應本仁

鄞縣志字本立邑人嘗募范文正公為人建

義莊五百餘間割腴田五百餘畝收其歲入  
以濟人困乏及婚嫁喪葬之不能舉者又即其中  
為義塾延名師以訓宗族鄉黨之子弟俱膳服用  
悉有常制時其出納定為條約使後裔  
世守之翰林學士黃潛紀其事於石

羅世華

嘉靖寧波府志字明遠慈谿人與弟世英弘  
惠天錫世昌一氣偕老五世同居至正二十

四年有司上其事於朝旌其  
門曰同居耆德羅氏之門

明

韓性

貝瓊韓處士碣字可善世居定海後徙鄞天性  
重厚遇物以誠不事表暴所入雖薄而好周窮

恤匱凡婚無以為資喪無以為禮必謁其門鄉人有公私逋不能償為代輸之不責其償歲大疫比閭中戒相過性率醫往視或與致於家既愈而遣之未嘗有矜色又規置田若干畝為義莊以收族人建義塾以教子弟其兄某初以途人遇之稍長即異居家素饒於貲性十裁有其一二入病不均曰吾豈憂吾貧耶嘗於隱處獲遺珠升許悉歸其兄浙西廉訪司僉事浦江鄭浚嘗抵其家喜其為人因遺以麀谿集

遂取為子孫法

楊芳

成化四明郡志字大章慈谿人衣食僅自給少

有餘則分賑其貧者非義不苟取與途行偶見

褚鏹若干錠有質券候立良久一人傍徨走前覈其實歸之元學士危素御史余嘉賓交薦不起洪武四年有司特起之以疾不行子伯純授南康都昌縣丞孫圭知南陽郊縣世篤先訓不喪所守

王國祚

定海縣志邑之浦東人洪武二十年信國公湯和遣徙居民通邑病之國祚奮趾揚袂語

同難者曰大夫弗効尺寸力為桑梓謀奚以為人遂魚程赴金陵面陳不當盡徙之狀高帝允奏賞勞遣歸餘民得不就徙鄉人德之名所止處曰復翁以此地藉翁而復也

方德初

嘉靖寧波府志字夢仁奉化人四世同居百口共爨子一人徙子十一人以資產均分之

凶年為粥以食餓者鄰人鄭氏以貧鬻女為人婢妾德初贖還之自奉甚薄而性樂施與

謝茂

成化四明郡志字茂之鄞人洪武庚申鄉人鮑原祥以兄子忠任監察御史卒於官貧無塋地

謀於茂茂曰我有地陰陽家以為得局雖千金不易也願與之又嘗割地葬千戶湯文之母後二家各出金以酬茂拒而不受

楊自懲

名山藏郵人為縣吏縣宰榷一囚流血滿前怒猶未息自懲跪而寬解宰曰此人越法背

理不由不怒自懲叩頭曰竊聞曾子云如得其情哀矜弗喜喜且不可而況怒乎宰為霽威家素貧縣吏有常例餽遺一無所取遇囚人乏食多方賑救一日有新囚數人待哺家亦缺米與其婦謀之婦曰因何來曰自杭而來沿途忍飢五日不食矣因撒釜中米煮粥以食之

何瞻

兩浙名賢錄鄞人正統間與同邑胡純同升國學純病疫鄉里姻舊皆避去瞻晝夜診視督其

僕餽粥煮藥七日而侯不應瞻憂之解衣與並枕抱之卧遂得汗而瘳瞻亦無恙後與純俱登進士純每語人曰今日以往皆何兄所生之年也終身事瞻如父

俞民化

舊定海縣志邑人調儻好義隣里有鬭爭出數語折其曲直且諭以禮人即引咎若不自

密至相戒云無負俞君之戒正統間值歲侵輸粟五百石於官助賑縣令勒石以旌其義

陳處廷 虞陸 虞玖 李浩 丘本源 沈志道

周得延 任福 朱茂春 潘本餘

鄞縣志當英宗北狩時徵發驛

騷又歲殺艱食民不聊生處廷率先倡義輸粟二千石備賑陸與第玖及浩聞風興起輸粟如處廷而本源以下諸人各出穀有差賴以全活者甚衆有司嘉其行誼聞於朝特賜璽書勞禮旌為義民其時又有王勲亦以輸粟給賜冠帶

王汝林

兩浙名賢錄奉化連山鄉人性好施凡貧病過門者接之不厭遠近慕其名陸司寇瑜時

為邑庠生貧不自存往詣之林時浴於溪陸以謁告遽起而入攝衣延之上座盛為之禮次日即遣

人濟陸之家然不以告也比留連旬日陸乃自言其情曰竊慕公高義幸而款我其如家累何汝林出謝啟示之陸起拜曰不虞君之惠我若此辭歸明日汝林盛張具觴而送之凡寒暑之衣畢備且贈之金

錢璉

鄞縣志字廷珍邑人景泰甲戌進士與兄珪倡築長隄計二百八十大被其利者三邑七鄉共

一百二十有六里民稱之曰錢公塘

柴傑

鄞縣志字廷俊邑人天順乙卯舉於鄉計偕上京適舟人夜泣欲投水死傑問其故知為官祖

所迫即捐路貲使償之明年下第歸復遇前舟人仍載其舟是夜舟人飾妻進謝傑正色叱之去

繆廉

嘉靖寧波府志定海人兄弟七人至老同居聚族近百口自祖保障父永宗至孫蘭計五代排



讀各職其業

鄉人義之

薛通

舊定海縣志字德明自鄞徙定海嗜善樂施人告以不給輒捐所餘賑之不能償者焚其券其

先世在宋時有朋龜者五代同居號為義門通守世德不改邑令陳軾扁其堂曰崇義

楊苗

嘉靖寧波府志字德成鄞人成化間詔民輸粟助邊一時未有應者苗獨出粟二千五百石躬

輸之邊特賜璽書立義門旌之

周相

兩浙名賢錄字良佐奉化人嘗遊學外藩夜有女奔之拒不納詰旦即辭去赴省試有友疫於

舟同行皆棄去相獨留謹視之及不起出已資備棺余親為之含斂焉後以貢司教茶陵諸生貧乏者輒以俸餘濟之束脩之饋不問也敝居不蔽風雨薄田不贍餐粥而周死恤貧開義塾以教族子

尤人所難云

董銳

鄞縣志號裕菴邑人遇歲飢出粟煮糜活人國賦不足郡守貸銳二千金銳即捐助代貧民之

逋守上於朝賜七品散官一夕有衆叩門將行刦銳飲以酒人贈五十金語之曰人生宜自愛吾獨攜金如前數踵銳門曰日者賴君惠經營孽息皆成家計今以奉還所不至者數人耳一時傳為異事歲暮至西陵得遺金於旅舍因留不歸至明年三月有號慟而來者曰吾父受主者命攜五百金餉某偶以夜渡遺忘今拷掠備至予豈望金之存將碎首於此白吾父以不欺耳銳曰吾為若留久矣速歸拯爾父舉以還之城西有河艱於涉捐貲造橋以濟

周宗達

象山縣志象山人象未城時寇突至盡邑奔避時囹圄有若干人即其妻子不暇顧宗達

曰囚亦人也可令槁腹死耶獨冒及給因餽粥邑令義而旌之鄞商某夜遇鄰家火失篋中金坐號及旦宗達曰吾從衆中懼得懼為他人攘去耳如數予之商謝而納不知其非所失之金也

駱元

象山縣志象山人嘉靖末年島外漁人約六十餘偶為疾風飄舟至金齒觸入內地守汛卒羣

譁曰此可擒也遂縛之以獻主者時元為里老從旁力諍曰天道神明炯於白日奈何妄殺無辜詞色凜烈主者心動立釋之六十餘人搏額而去

戴塾

獻徵錄字時化別字少山家鄞之桃源舉嘉靖乙未進士與人無親疎輒惻惻見情素而恤災

救患尤所孜孜會試時一同舟者得痢疾友各棄去塾獨周旋其間湯藥含斂靡不盡力南太僕陳

公侃入覲與遊雲龍山  
暴殂出已貴為之治歟

賀琦舊定海縣志字廷玉為邑生時以靈巖石方磳  
顛圯既久民困日滋乃白縣令鄭餘慶首先倡

義庀工伐石殫力修築蓄洩有時而靈巖一鄉斥  
鹵可田者計四百餘頃溉及隣壤者無慮百餘頃  
冬月見海樵十餘輩溺水得出幾不能生琦即哺  
以糜粥衣以緇袍乃得俱醒隣人有死不能棺  
不能葬則出貲贍之

楊允恭

嘉靖寧波府志名欽以字行鄞人憫鄉人湖  
田重稅之苦嚮產走京師累疏闕下瀆死者

數矣迄不止卒得請行省勘覆郡守林富力主其  
議得從慈谿花嶼湖全折之例民因用舒詳見

祀祠

陸大漳

鄞縣志字德學邑人年少時館於烏鎮一夕忽聞叩門聲啟視則一姣好幼婦也大漳斥

之閉門挑燈危坐達旦向主人言適得家信須急歸遂辭去有范奎者得館貲十餘金歲暮與大漳同舟近時共載人衆將分途范遺其金而去大漳於舟底拾得之亟趣僕追范果其所失金也范願分以相酬力辭不受

袁文信

袁文仁

奉化縣志文信象山人萬歷十六年歲大侵餓殍載道官募富戶出

粟賑之與弟文仁共輸粟一千石四十四年又飢遠近慕袁氏名皆枵腹到門量授米穀以濟全活其衆

王良壁

象山縣志象山人好施予嘗有貸者力不副將鬻妻以償聞而亟止之焚其券夜獲偷兒

乃故鄰也慰之曰爾以貧累故濟之錢穀終身不  
暴其名里人某逋官租若干幾斃獄良壁捐索代  
輸三百餘金有司廉其事以尚義旌焉

高聽

舊浙江通志號玉陽鄞人歲飢首倡捐賑之法  
隨地煮糜有盜鬻其產者願以女償折券叱之

恐其他鬻呼其壻歸之以  
子斗樞貴累封副都御史

包元會

鄉賢留祀卅象山人邑庠生值歲荒發米煮  
粥以食貧者全活甚衆明末海賊劉香老等

國朝

康熙三年祀鄉賢  
猖獗建議築燬臺以為瞭哨防禦之計海疆賴焉

國朝

范大捷

舊浙江通志鄞人庠生世父無嗣以大捷為  
後事兩母俱得其歡心平生周急無吝色

精岐黃遂以醫名其出療人疾常先往貧乏而後及舟車之迎者里中有貧婦將挽忽患疾甚危大捷攜藥日六七往曰此婦若危是損二命也後得俱生居常訓子弟以修德行善不可有所覲而為之人以為名言

年八十六卒

虞光祚

寧波府志字爾錫鎮海人父世熙慷慨多義行光祚弱冠為諸生明末授通判未仕順治

十六年夏海寇入內地掠童子去者無算後復棄於崇明漂泊太倉松江間光祚時客於吳解橐資之歸并請於太倉州守白登明申江南巡撫檄屬縣具舟給口食遞送歸里者數百人至松江亦如之踰年客秦中遇同邑二童子亦已亥被掠者贖之還家

謝泰履

寧波府志字時素鎮海人孝友博聞慷慨持大節順治己亥海寇犯南鄉燬長山橋解橐

中金創修之  
行者便焉

孫銘

舊浙江通志字鳳覽慈谿諸生雅志經濟謂可  
見諸施行嘗除夕寶儲米不及斗有故人扣門

乞米分其  
半餉之

陳元肇

寧波府志字萬春鄞貢生敦行不怠歲乙未  
邑中飢倡義出穀二千石以周鄉閭之貧者

其叔者士陳嘉恩從弟國學生陳元英亦各  
出穀一千石相助賑濟藩司給扁旌其門

紹興府

漢

陳囂

於越新編山陰人與紀伯為隣伯竊囂藩地囂  
不較益徙地與之伯慙歸侵地囂不受讓為大



路鴻嘉中太守刻石旌之曰義里虞翻嘗稱其源則化盜居則讓隣感侵退藩遂成義里今俗稱讓

簷街

云

戴就

後漢書本傳字景成會稽上虞人仕郡倉曹掾揚州刺史歐陽參奏太守成公浮賦罪遣部從

事薛安案倉庫簿領收就於錢塘縣獄幽囚考掠五毒慘至就慷慨直辭色不變容主者窮極酷慘無復餘方乃卧就覆船下以馬通薰之一夜二日皆謂已死發船視之就方張眼大罵曰何不益火而使滅絕又復燒地以大鐵刺指爪中使以耙土爪悉墮落主者以狀白安安呼見就謂曰太守罪穢狼藉受命考實君何故以骨肉拒扞耶就據地答言太守剖符大臣當以死報國卿雖銜命固宜中斷冤毒奈何誣枉忠良強相掠理令臣謗其君子證其父安深奇其壯節即解械更與美談表其

言辭解釋郡事徵浮還京師免歸鄉里  
太守劉寵舉就孝廉光祿主事病卒

### 三國吳

吳範

嘉靖浙江通志字文則工虞人與親故交有終始素與同邑魏膝相善膝嘗有罪孫權責怒甚

嚴敢有諫者死範謂膝曰與汝偕死乃髡首自縛詣門下因突入叩頭流血權良久竟釋乃免膝膝謝曰大丈夫相知如汝足矣何用多為後封都亭侯

卓恕

兩浙名賢錄字公行上虞人為人篤信義然諾不苟與人期約雖暴風疾雨無有不至嘗從建

業還會稽太傅諸葛恪問何時當復來恕期以某日至期恪與主人停食以須時賓客會者皆以為某會稽建業相去千里道阻江湖風波難必豈得如期須臾恕至一座皆驚

邵疇

嘉泰會稽志字溫伯山陰人為郡功曹孫皓時太守郭誕以不白妖言被收遑遽無以自明疇

進曰疇今在明府何憂遂詣吏吏上疇辭皓怒尤甚疇恐誕卒不免遂自殺以證之誕遂獲免皓嘉

疇節義詔郡縣圖形廟堂

晉

孔祗

晉書本傳字承祖會稽山陰人太守周札命為功曹史札為沈充所害故人賓吏莫敢近者祗

冒及號哭親行殯禮送喪還義興時人義之

裴尚

過勗裴氏義門志父睿隨元帝渡江避地婺女尚於義熙中徙居會稽縣南三十里世勤耕桑

家積仁義越五代當宋乾德年踰六百載人無別居內不異爨大中祥符間旌表門閭蠲復徭役

南北朝

嚴世期

宋書本傳會稽山陰人好施慕善出自天然同里張邁三人妻各產子時歲飢險慮不相

存欲棄而不舉世期聞之馳往拯救分食解衣以贍其乏三子並得成長同縣俞陽妻莊年九十莊女蘭七十並各老病孤無所依世期衣食之二十餘年死並殯塋宗親嚴弘鄉人潘伯等十五人荒年並餓死露骸不收世期買棺器殯埋存育孩幼山陰令何曼之表言之元嘉四年有司奏勝門曰義行嚴氏之閭復其身徭役蠲租稅十年

魏溫仁

弘治紹興府志上虞人齊僕射徐孝嗣為東昏侯所殺故人莫敢收視獨溫仁奔赴以私

財營其喪

唐

羅讓

唐書本傳字景宣越州會稽人父喪毀滅服除布衣糲飯不應辟署或以婢遺讓者問所從

答曰女兄九人皆為官所賣留者獨老母耳讓慘然為焚券召母歸之累官福建觀察使兼御史中丞

宋

石賀

弘治紹興府志新昌人太平興國中初立縣治建邑庠賀以家資代其費

黃振

於越新編諸暨人嘗建樓以望村墅未舉炊者往遺之米寒無告者遺之衣其妻劉亦斥奩索

置義莊以濟族黨鄉人德之名其樓曰望烟莊曰仁壽後振以子貴贈衛尉少卿妻封仁壽夫人子

孫代顯

裴承詢

嘉靖浙江通志會稽人居雲門山前十九世無異爨子第習弦誦鄉里稱其敦睦大中祥

符間優賜粟帛燕翼貽謀錄大中祥符四年十二月已未越州言會稽縣民裴承詢同居十九世家無異爨詔旌其門今二百三十六年矣余嘗至其村廳事猶在族人雖異居同在一村中世推一人為長有事取決則坐於廳事有竹簞亦世相授族長欲撻有罪者則用之歲時會拜同飲咸在至今免役也

劉承詔

趙抃劉氏義門記上虞縣蛾眉鄉人家同居四百餘人同籍者十世上間旌表門閭常賦

之外悉免徭役

孫椿年

於越新編字永叔餘姚人置義莊食親族之貧者歲飢輒出粟以賑入嘗助貲築堤捍海

及卒無親疎皆痛惜之

黃汝楫

寶慶會稽績志會稽人家頗富饒宣和中方臘犯境以素積金錢瘞於居室避地山間忽

賊黨執白旗來揖且拜黃驚懼答拜認其人蓋舊僕也云主將拘掠士女閉之空室持金帛贖則釋之否則盡殺黃惻然問所因幾何人曰無慮千數曰我歲物可直二萬緡欲舉以獻而贖其命可乎歸報如其請乃悉發所瘞輦輸其營千人皆得歸詣黃謝為之誦佛祈福歡聲如雷至紹興中黃為浦江令其子開閭閻同登乙科後二子閭閻繼之

石公轍

嘉泰會稽志字道叟會稽人鄉里名士有朱布言者歿於東都兄昌言聞赴告欲質產迎

其喪而公輟已送柩在門矣方希言病疫無親黨  
在都獨公輟謁醫為治療既不起則空其囊為具  
棺斂買舟載之歸得眼疾幾喪明夜夢希言如平  
生曰有爾朱先生藥其效如神覺而異之明日至  
京口有賣爾朱先生眼藥者求之出百許貼皆細  
如芥子服未數日瞳人如若冰舟行至江東則已  
清明復初矣紹興初以特奏名第一人賜同  
進士出身仕至大宗正司主管宗室財用云

徐端臣

於越新編字正卿蕭山人歲飢輒出粟平價  
以濟貧乏創社倉飾學祠療病以藥贈死以

棺義聲宣於遐邇浙東提舉朱熹行部至縣特  
造其廬後以子爵恩補宣義郎卒年八十三

沈堯孚

紹興府志字子賢餘姚人同舍某被逮甚亟  
堯孚百計脫之某自分無可報而陰使其妻

夕馬堯孚驚起趨戶外叱曰吾以義脫汝而汝以  
不義污我何也遂引避去終身未嘗洩其事昆季



五人當折箸取其瘠者羣從子弟悉授室成立之  
里有緩急各厭其意而去後以孫應文貴累贈大  
卿理

顧彥成

萬歷紹興府志蕭山人以蔭補官歷兩浙運  
使以書堂為學基田三十六頃為學田中書

舍人薛昂  
誌其墓

姚景崇

萬歷紹興府志字唐英嵊人開慶中  
建義塾延師設教英俊多遊其門

呂次姚

弘治紹興府志餘姚人嘗立義塾於邑治之  
東延致名儒湛若為之師若通六經遠近來

遊者常數百人次姚日  
加供膳後多至顯官

陳祖

兩浙名賢錄字惠卿新昌人敦睦宗黨嫁其孤  
女數人貫負平糶邑人德之創義塾延名師以

淑鄉之俊秀凡饗膳薪水僮僕咸具歲費錢萬緡士由以登庸者後先不絕祖沒從孫雷克繼其志創桂山東塾而以祖所建名西塾由是遠近來學者日衆門牆冠蓋相望兩塾之名聞於四方又置義田義役義倉義井義阡義局以賙卹鄉黨邑人至今談陳氏事有墮淚者

吳自然

弘治紹興府志字義甫餘姚人家富好施德祐元年歲歲飢發廩賑鄉里部使者為立高誼

坊元至大初歲大飢自然子埏復助有司賑給州上其事中書旌其居曰積世好義吳氏之門

王英孫

萬歷紹興府志字才翁會稽人歷官將作監簿辭歸值越中大飢發私廩以賑全活甚衆

道上有棄孩輒收恤之又喜延致四方賢士日以賦詠為樂若謝翱鄭樸翁林景熙唐珏輩皆慕其義與之友

唐珏

西湖遊覽志字玉潛山陰人家貧聚徒授經營

揚刺勤智發宋陵寢斷殘肢體攫珠襦玉匣焚其齒  
棄骨草莽間珏時年三十二歲聞之痛憤亟貨家  
具得白金百星許執券行貸得白金又百星許乃  
具酒醪市羊豕邀里中少年若干輩狎坐轟飲酒  
且酣少年起請曰君儒者若是將何為珏具以告  
衆謝曰諾中一少年曰事露奈何珏曰余固籌矣  
今四郊多暴骨取竄以易誰復知之乃斲文本為  
櫃復以黃絹為囊各署其表曰某陵某陵分委而  
散遺之絕地以藏為文而告詰旦事訖來集出白  
金酬之戒勿泄越七日瘞浮屠下令哀陵骨雜牛  
馬枯骼築一白塔壓之名曰鎮南總浮屠死山陰  
人始有藉藉傳珏事者未幾越有表治中為子求  
師有以珏薦一見置賓館一日問曰吾渡江聞有  
唐氏瘞宋諸陵骨子豈其宗耶左右指曰此是已

素大駭曰君此舉豫讓不能抗也曳之坐北面而納拜焉禮敬特加情款益篤叩知家徒四壁惻然嗟矜語左右曰唐先生家甚寒吾當料理使有妻有田不數日二事俱愜人固奇珏之節而又奇珏之遇之

元

胡忠

萬厯紹興府志字景莊餘姚人元貞間飢疫忠貸錢穀以賑閭里而莖其死者明年大穰里人

齋錢穀

酬約忠嘆曰飢民近得一飽吾忍取其宿逋耶悉取券對衆焚之

陳志寧

兩浙名賢錄諸暨人嘗割田一千畝山五千餘畝造屋三百餘楹為義莊義塾聚族黨之

貧者養之未知學者教之人以爲一鄉之父師事聞旌為義門

趙孟治

於越新編山陰人家世業儒尚義皇慶中捐田三頃為學田入捐田三頃入義廩給鄉人

無以婚塋者事聞有詔旌之子由鍾行義有父風丁未歲大飢設粥於道所活餓孺甚衆

方鎰

於越新編諸暨人好修行誼嘗割田千畝山若地有差取歲入贍其族之貧者建義塾禮聘名

士黃叔英項炯吳萊輩主教事造就學耆一時偶彥雲集宋濂鄭深嘗來訪之

黃新

兩浙名賢錄諸暨人汝楫六世孫儻好義祖遺義莊闋久已廢新購復之以賙族人歲侵鄉

人持券物來質粟不較其值而與之所居常發越之衝為飲食以待困乏者年七十餘盡出所質文券約三萬餘緡悉焚之曰吾非敢以此市義也吾生無德於鄉人無庸留此以益身後之過

戴成之

弘治紹興府志蕭山人好周恤貧匱其鄉常患水旱乃創閘小江以備旱澇工役之費弗

及於人恒親操杵鏹沙土水趵久之不成成之仰天呼號翌日忽成人以為至誠之感

任子仁

弘治紹興府志蕭山人治生勤儉遭時亂亂推食解衣濟人寒餒鄉人不能墓者墓之無

可依者育之士大夫之賢者至則館穀之勇於行義人稱長者

吳宗元

兩浙名賢錄字長卿諸暨人輕財重義元季兵興避地者多依之周給一無所吝教子孫

無析居歿之日識不識皆嘆曰義士死矣奔哭墓下者數百人太史宋濂誌其墓

明

秦初

兩浙名賢錄字性初山陰人卓有行誼居太學時同舍生以使命出妻死無主初為之經紀喪

事甚周有金安者除後山衛經歷當之任貧無以治裝初解所乘驢資遣之徒步以歸永樂中舉進

士官翰  
林檢討

丁能

於越新編山陰錢清舟人也嘗夜載衆賈至東關詰旦衆散去遺金一囊能艤舟候賈久不至

攜歸明日將復往婦阻之能曰我豈不欲財耶物故有分彼辛苦營之而卒然失去悔且喪身吾何忍終往候得金主感謝欲酬堅拒不受

高宗浙

吳淵

兩浙名賢錄字叔胥山陰人嘗捐山七十畝為義阡給槥以塋貧者里有

簪纓之裔盜其牛或以其人告輒諱而隱之正統庚申歲大飢糶傍郡米七百斛歸給鄉人全活甚衆明年飢又出私廩助公貸後二年又飢亦如之時同邑吳淵亦出粟千石助賑有司上其事詔遣行人廖恂賫勅旌之

周端

韓邦問周義民墓表字孟端號介菴山陰人父茂沒端年十六與兄孟璇協力墓父母繆氏盛

年守志兄弟協力以事遂振其家正統五年出粟二千五百石助賑有司聞於朝遣行人廖莊賈勅

勞之旌為義民晚尤加意族黨傾所有施匱者未嘗形德色

魏資善

姜伯延

於越新編俱餘姚人正統間各出穀二千石賑飢旌為義門

成器

今言類編餘姚人正統末聞劉忠愍球死獄即邑中龍泉山頂為文祭之歷迷古今權奸之禍

凡三千餘言人謂之祭忠文今其地謂之祭忠壇

趙誠

弘治紹興府志字一誠上虞人娶同邑杜氏生子而杜卒誠年二十七族之長老勸誠娶誠謝

曰不聞伯奇孝已事乎吾既有子可無娶矣聞者高其義景泰中應貢授德安府學訓導時有同知



劉英欲妻以女誠告以向意不從  
居五十餘年無妾媵之侍八十卒

周用章

萬厯紹興府志嵎人元提舉承祖之孫家業頗殷為人好善率長子澤榮輩施藥以濟貧

病煮粥以食獄囚夏則施茶冬則建橋造船為萬石長無一毫苟取

夏叔恢

兩浙名賢錄嵎人天順初客越城中飲於酒肆時傍坐客被酒忘其囊去叔恢獲囊視之

約五十金疾追其人弗及明日仍俟其處失金者號泣而來遂挈以畀之

張祓

蕭山縣志號直叟早喪妻終身不娶成化壬辰歲灾出銀三百錠粟六百石癸巳又灾復出粟

一千石丁酉甚灾盡出所積以賑之事聞勅授宣義郎表其閭曰義門子珏字良毓佐父發粟賑飢捐銀三萬兩代輸本邑歲課巡撫劉敷題旌亦授郎秩

周廷澤

萬厯紹興府志字舜龍山陰人富而好施每歲飢輒捐粟作糜粥以賑或病死則為義棺

義塚以瘞之鄉人有屢負其租者攜子鬻於市廷澤聞之遂蠲其租又嘗捐金為錢清石橋工費鉅

萬往來者賴之

陶仕成

萬厯紹興府志會稽人正統間以富民供大璫阮某其後阮倉卒被命入意不測密召仕

成以私積六千金託之成持歸投井中居數年阮竟死仕成出井中金走白守吳某守曰金無知者爾物也盡取諸仕成固謝會飢悉以散賑鄉人以是稱陶長者後數十年卒陶氏簪纓相繼人以為

皆仕成所種云

徐文彪

萬厯上虞縣志字望之上虞人正德間舉賢良以母老辭有司敦趣乃行是時逆瑾方專

恣而謝文正遷以忤瑾謝事去文彪至京試吏部  
用蕭傳恭顯語瑾覽策以為文正鄉人怒甚下之  
獄榜掠幾死械戍鎮番鎮番接壤流沙在中國萬  
里外文彪處之怡然諸武弁子弟相率來學二子  
子奎子厚聞父難奮以死從會部檄提家屬赴京  
兄弟主僕械繫刑獄尋得釋陷危百端乃達成所  
適年瑾敗乃赦得歸結廬山下絕不談往昔事性  
復好施創義田開義學鄉人德之

張賢臣

紹興府志會稽余貴村人敦善行貧無炊寒  
無襦死無槨顛倒無告者力拯之三十年無

倦態山陰縣西北有湖曰狹狹縱橫十里許風狂  
舟輒覆賢臣議以石築塘其間使舟行塘內則避  
風舟不復覆閱七歲而塘成  
所費數千金皆捐貲為之

曹同德

紹興府志字同野上虞人虞邑官塘圯數百  
丈積雨則淹連水際同德捐貲貲以石悉成

坦道行人頌義遇歲獻  
作廉廣賑全活無算

周夢秀

萬歷紹興府志字繼實嵯庠生時有例廩生限年起貢當及夢秀一生年踰六十不得貢

夢秀曰我猶可待若不貢無後期卒推以讓之其父別駕嘗佃實性寺為宅既數十年增飾堂構且數百金夢秀以為非義請於父復捨為寺別佃數椽以居風雨不蔽無愠也既卒鄉人祀之學宮

吳士驂

紹興府志字少愚蕭山人萬歷庚子歲大飢賑米三百石院府並獎之其後家益饒善益

積有除夜入其室行竊士驂見之贈以金勸使改行而稅其姓名雖子孫無知之者

王鑑之

獻徵錄字明仲號遠齋山陰人篤於倫叙雖失愛兄嫂事之益恭謹兄子淵業舉不就又

習醫為之延引得為醫學官遂以有立李氏姊之子澤民周氏姊之子濟皆教養之及長皆為之婚

嬰女皆為治奩具擇良士歸之嘉靖山陰縣志鑑  
之以進士知元氏縣擢御史督南畿學政歷刑部

尚書

何汝敷

蕭山縣志字泰言性節約遇任卹則傾囊無  
吝歲蝗設捕格以米易蝗民競趨之不為灾

輸米賑飢全活甚衆北郭蒿里  
多暴骨以私財每歲募掩之

任振龍

紹興府志字羽禎蕭山人一人有夙負欲鬻  
其妻振龍遽止之負者曰吾非獨為汝再贈

之多金以全其室每歲除夕設松盆取貧  
人券焚之曰勿留此恐他日縈吾方寸也

俞繪

王澂俞繪傳字本素越人就敘訓導為舉子時  
赴禮部試過沛貸沛令馮十金令實同郡人官

歛時馮下世矣遺金還其子珏珏以無券弗受繪  
曰貸金無券爾父信我也若遂弗償爾父多矣

使爾父復生其謂我何固與王乃受任惠州過贛按察僉事陳壯以卒送之道經南康卒謂尹曰過

賓乃陳姻家也尹信之厚致贖繪曰吾非陳姻卒給君矣固弗受

周方蘇

紹興府志字君謨山陰人兄弟有所逋負累數千金代償之族姪黃門洪謨以劾魏璫被

譴攜眷數人賈買無投止方蘇掃室留之歲歲餼之飢人口治粥食之或給以米死喪者出山地瘞之祖廷澤嘗捐造錢清石橋久而將圯居人患之方蘇曰此吾為子孫者事罄貲新之

徐廷玠

舊浙江通志字元度上虞人從劉宗周講學於證人堂開明性理崇禎辛巳歲大飢鬻產

賑濟全活甚衆嵎邑飢復同陳際春及嵎紳邢大忠設法拯救全邑得免流移

沈懋庸

紹興府志字季平山陰人六合令綰之子有聲士林親黨中有貧不克婚塋者有負逋將

鬻妻者悉委曲以恤之崇禎辛巳郡大飢鬻產賑濟存活甚衆

丁師孔

蕭山縣志字乃願邑人父元慶好義樂施捐

祠師孔能踵其行凡婚嫁喪葬無貲者欣然相助值歲飢遠則給米近則施粥所活萬計

周紹元

舊浙江通志字雲門蕭山人西江塘山會蕭三邑民命所係紹元歲捐資修葺終身不言

人過然匪僻者恒見而憚之恐為紹元所知人比之王彥方焉

張陞

舊浙江通志字登子山陰人元怵孫崇禎庚辰郡大飢陞賑米三千餘石當事建坊以旌倪元

璐題一聯於棹楔云分人以財由已飢溺笑懷清女師千倉自衛從父之令與爾鄰里勝麥舟父子

一士私沾

國朝

陳文煥

廣西名宦冊上虞人為廣西巡撫馬雄鎮幕客康熙十三年逆帥孫延齡叛雄鎮被幽文

煥等義不忍去亦同械繫患難相依周旋四載後逆賊吳世琮趨桂林延齡執雄鎮詣賊營不屈遂

王師下蒼梧文煥脫奔白其事於軍前巡撫傅弘烈入

奏奉

旨陳文煥冒險來歸忠藎可嘉著從優議叙後授安邱

縣知縣卒  
祀鄉賢

鄔恩武

舊浙江通志字望隆餘姚人寧海潮漲得遺囊於水際恩武待至日中兩人號呼而至舉

囊還之不問姓名台州夜火朦朧中有以一篋授者恩武藏之邸舍平明一人哭於火所云一家生



命繫此篋中倉卒不知授之何人思武排衆而前  
曰吾昨受一篋豈君物耶同至邸舍發之人願分  
其半思武  
不顧而去

周維屏

紹興府志字自求蕭山人事親以孝交友以誠隣有患疫者輒親湯藥殯殮江塘衝決維

屏曰此吾邑大利害也命長男之寃躬督修葺十餘年竟無水患以子之麟貴贈如其官祀鄉賢

姚時可

舊浙江通志字雨若會稽人性慷慨喜結納遇人患難窘阨揮千金無幾微難色人有負

者不能償即取券焚之以例入北雍不遇歸益以濟人課子為事子啟聖少保尚書總督八閩

毛秉鏡

舊浙江通志蕭山人然諾不苟急難者俱歸心焉隣某以負債累訟不息秉鏡力為排解

鬻產  
代償

沈以庠

鄉賢留祀冊蕭山人道拾遺金俟其人還之有負租鬻妻者贖令完聚歲飢出粟賑濟修

橋梁以利涉子士  
本康熙乙丑進士

任俠

紹興府志字五陵會稽人年二十即棄舉子業過遊宇內名山大川凡所歷莫不記之於詩有宦粵西者俠從至粵遭逆藩之亂宦家七十餘口存者僅五人俠罄橐中金資之以還孑身歸里四

壁蕭然  
宴如也

俞木

鄭僑俞木傳字嗣祺上虞人豆亭少子也順治庚子歲飢出資賑濟全活甚衆康熙戊午海氛

未靖木請於上憲同諸兄練鄉兵置守具一日賊犯境身率鄉勇持矛前擊一鼓摧其鋒嗣是不敢復犯虞邑疊有潮患築塘捍海遂罄其家夏益湖舊有十八溝開蓄水蔭田歲旱輒為鄉隣毀壞持

設法輪巡永資灌漑  
縣令高之蕙旌其門

陳新鄉賢留祀冊蕭山人嘗問育嬰堂以保赤子設  
賑粥廠以甦飢民力行善事子至言成進士賢

學河南  
學政

倪宗賢

紹興府志字涵初山陰諸生以醫名性慈厚  
每治病先貧而後富嘗蓄貴藥於籠中遇病

者雜和以進所得貴皆散盡一日舟行暮歸有惡  
少盜其鄰田禾宗賢大呼曰此某寡婦田汝輩不  
可刈刈之寡婦絕命矣左右即倪涵初田涵初以  
醫得利雖粗載無傷也言畢鼓棹而去惡少不知  
宗賢之自呼  
也竟盡獲之

朱洪謐

紹興府志字雷珊山陰庠生少孤遭鼎革隣  
里皆驚竄洪謐家停高曾柩獨與祖母母氏

閭門以守慟哭不離事平盡塋其先人每月一至墓省視無間寒暑生平樂施予康熙乙丑歲侵傾家資出粟以賑郡邑兩庠頽壞力捐葺之時年七十餘程工督役皆身執其勞每黎明至廟日沒而歸雖驟雨積雪必扶杖而往好善不倦卒祀鄉賢

倪會鼎

鄉賢留祀冊字無功會稽人文正元璫子嘗議廣麻溪壩窪洞為旱潦蓄洩之計又董築

西江塘極其堅固山會蕭三邑賴之家貧鍵戶著書有山陰令持魚金百兩以資膏火三至三返之

張朝琮

鄉賢留祀冊蕭山人為文安三河令擢蘭州牧歷永平守有政績蕭邑逼近江塘風潮衝

決淹及山會田禾朝琮議建西江備塘及修築潭頭壩聞家堰又嘗刻蕭山水利書以垂永久

胡嶽

鄉賢留祀冊會稽縣庠生嘗著家規每朔望必集宗人講解勸勉存心濟物康熙二十年間有

洞浦人劉見龍遭訟費無出欲賣其養媳二十三年有山陰塾師朱觀生因夙負將鬻妻以償截俱首倡捐資俾各完聚手製藥療人寒暑不輟全活甚衆

王九思鄉賢留祀冊蕭山人贈內閣中書性孝存心利濟每遇侵歲捐資賑飢邑南沿山大路係

郡省通衢特議修葺以身先之

蔡一信鄉賢留祀冊蕭山人副榜貢生父遺貴產悉與兄弟四人至賑飢瘞骼助人婚喪每竭屢

為之

蔡士駿鄉賢留祀冊蕭山庠生親喪哀毀逾禮事兄如父羣從子姓數百指同居有浦江鄭氏風

邑中堤堰津梁率先捐資修葺

聞人炳

鄉賢留祀冊字蔚文餘姚人家貧業儒授徒餬口一日早起過邑中知會橋拾金約五十

餘守侯良久一人踉蹌至問之乃里長催糧代入官者所遺問何以驗曰內有小包一里媽所納束

以紅線出之果然即還之館於北鄉歲暮歸家夜泊舟聞哭聲甚哀且詰之曰貸豪家債索迫鬻妻

以償故相訣耳炳出來脯金贈之得完聚後其子陞官光祿丞迎養不可輒寄奉菽水資炳捐葺文

廟復以其餘周濟貧乏年八十一舉鄉飲大賓陞亦慷慨好施有父風

楊煥斌

鄉賢留祀冊餘姚人武進士少時遊學省城歸途見八十老嫗為貿布者所紿持假銀泣

於道煥斌即盡捐館穀與之罄橐而還官侍衛請假塋親道經嘉興適地方兵民告訐力為排解事

遂以寧

陶師孟

鄉賢留祀冊蕭山人贈奉政大夫孝友性成撫幼弟弱妹親愛倍至祖遺世產悉讓堂兄

概不析取嘗居通城幕中會山賊聚衆肆劫營弁請勦師孟謂令曰此飢民也激則負固撫則易散

今從其議全活數百人深悉河工事宜著治河明鏡四卷

陳根

公舉事實字克生會稽人父若虛捐已田一百六十餘畝以備賑濟名曰義田事未竟而卒根

仰承父志實力奉行籍田於官創立義戶刊布條約於完課外悉以濟貧凡鰥寡孤獨窮而無告者隨時周給迄今六十餘年力行不怠年九十餘卒

沈士俊

公舉事實字誠菴蕭山人年十六父病晨夕稽顙默禱於天母卒哀毀骨立性好施予三

黨有急者傾橐無所吝凡育嬰施棺及置田贍祭發粟賑荒之事皆力任之嘗遊會城有寧國賈人

汪思泉寄金三百四十隣人不戒於火列屋盡毀  
賈亦自委於數士俊慨然曰無憂吾義必不相負  
竟驚產以償溫州林可法之女被掠  
泣告於士俊捐八十餘金還贖之

趙之鼎

公舉事實蕭山人少孤奉母孝及長遊學京  
師舉順天鄉試第一不求仕進端歸奉母康

熙已酉湘湖隄決九鄉盡被淹沒官紳方集議之  
鼎奮然曰待議定而後救則無及矣即出已資鳩  
鄉人聚畚鍤星夜堵築一邑田廬均免漂溺又修  
西江塘躬親督率不辭勞瘁可垂永久遇歲不登  
首捐粟賑濟遇親友匱乏必委曲周濟他如施藥  
捨棺雖傾囊倒篋無吝色至有稱貸以益之者予  
文璧官總戎累  
贈榮祿大夫

王璣

公舉事實新昌人至性惇篤親柩在堂居民失  
火廷燎璣扶柩號慟拜禱即反風滅火隣屋皆



燬惟璣屋無恙捐金創家祠道拾遺金追其人還之隣人王某年老無子疾篤盡出篋中金囑以後事璣為經紀其喪而以餘銀置產為之立嗣助族人營塋其父有鄉隣死貧不能殮畀以棺余瘞道路遺骸有鬻妻者出粟周給俾得完聚遇歲飢出粟助賑凡善事無不勉力為之

趙光仁

公舉事實諸暨人庠生樂善好施以所置田一百八十九畝推入儒學備三年文武各生科舉路費子月松等詳憲勒石并立規制十五條以垂永久

胡士章

紹興府志字符卿會稽諸生少貧資館穀以養親能得其歡心後稍裕獨力建宗祠以收

族人年七十三卒

台州府

五代

鄭睿

台州府志寧海人為都官員外郎偕尚書葉預輩四人同請錢王假納土於宋使浙東得免兵

革睿有

力焉

宋

吳福

赤城志仙居人性質實枯有巨貲留千金其家久之不至福為貿遷得贏俟賈至悉以歸之賈

曰向者吾留千金耳贏則君自致吾敢覲乎互相遜決之縣縣上之郡使中分其息福仍不受賈以

其半捐之僧廬謂福曰君行誼如許不應久無子吾近得顏氏女願奉君為似續計其後生子奉積

至弟兄弟皆登

上第歷顯官云

黃襲明

赤城志臨海人字原善宣和寇亂郡城多圯其北倚山無閘堞襲明首白郡以私財為倡

遂增築馬訖事寇驟至合圍數日不得入事聞詔免鄉舉

陳緯

黃巖縣志字經仲邑人少與謝丞相深甫同學為莫逆交已又為婚謝既柄國引嫌自遠未嘗

一至其門嘗同蔡武博修永豐等九閘復捐廩以賑飢給藥以濟病人呼為陳義士

吳渭生

仙居縣志仙居人一歲而孤母葉氏矢志守貞以勤儉致富然樂於賑貧乏渭生體母心

建層樓可望十里許隣里有不舉火者潛令人以粟遺之自括蒼抵海涯悉造磚甃路行道便之歲大侵出粟散飢施濟甚衆朱文公熹為常平使以事聞補其次子椿文學

王榮

台州府志臨海人為獄吏以活人為務太守性剛暴每杖人必見血往往致死榮為潛漬血杖

中行杖即見不致重傷嘗置瑩於卧處每活一人  
投一錢滿則更置之苦無嗣一夕夢人遺雙玉已  
而生珏遂以為名後

登咸淳戊辰進士

丁世雄

黃巖縣志字少雲黃巖人里中有官私急難  
嘗借助之稅役或代之輸疾病與醫藥死而

無歸者與歛塋從弟希亮嘗言世雄似杜季良輕  
薄世雄不為變及希亮病垂絕妻歿子幼請世雄

屬以後事世雄為之經紀諸  
務皆過於希亮生之日也

陳容

台州府志黃巖人字益之嘗立本價莊歲出緡  
錢數千收粟於秋而以本價糶於春其數所贏

餘每遇凶歲率減市值之半邑  
中恒仰給焉杜清獻行為之記

王公入

太平縣志字治老太平人性好施與會歲  
歛大雪民飢閭里閉糶公又發粟賑貸之

毛仁厚

黃巖縣志字及之黃巖人開禧中與杜清獻公同發解於州其鄉舊有義役仁厚益緝而

宏之編戶有田二三頃者率不與遇緊急勇往當之不以累役者歲或不登發義廩貸之糴甚者不責其償又索同志懇於州縣請公廩賑之嘉定己亥歲大侵時仁厚已感末疾夢數萬蟻阻水引以竹乃得渡覺而言曰其殆飢忙需我活耶力疾走州縣請粟即忤州將勿顧也

黃原泰

台州府志字可耀黃巖人性樂施予歲歛買粟於閩浙損半值以濟邑人其鄉義莊田少

而役重獨力代役二十年郡守王公磨勘義莊及其鄉或告守曰彼以已田代一都全役尚咎之耶守驚委督義莊有兄弟訟財者原泰出已帑以釋其爭有鬻田於原泰者得千緡為僕竊而逃憐其與之人捐錢與之

戴秉器

太平縣志居邑之南塘累世稱長者秉器尤為邑里所推族人新為宅者將立門以出秉

器故有大園正值其地族人不不言秉器微知之中夜毀園平其地其行事類如此

林蕙

仙居縣志字文叔性好施予每遇嚴冬深雪時風興四顧里有朝烟不作午戶不啟者輒遺以

米炭景定二年蝗食禾餓殍枕藉於道捐廩以賑不給復罄所有易粟繼之家由是落終不之悔也

趙處溫

台州府志字仲和太平人與其季滕州守亥出義莊田三百畝以供義役歲儲粟千石以

助鄉之貧而無斂及婚喪無力者

范邦惠

寧海縣志字若賓寧海人登咸淳進士隱居清泉之許見曠土盈萊皆可耕植率里人墾

闢而以身先之又慮乎疇艱於浥灌循溪作壩曰大溪碓且分築小碓者六各從地勢以通遠近之

流約田三千七百有奇皆恃此無旱暵之憂里人尸祝之

元

吳焱

寧海縣志字用晦寧海人咸淳進士宋亡不仕至元間浙東造往日本舟材鐵百需賦重民急

焱鬻田代輸家以破耗而意卒不移

包希元

赤城新志臨海人至元間歲大稔民多飢死希元計蠶粥之外以穀六百石給散遐邇賴

以全活者甚衆

柯立善

臨海縣志字遂卿臨海人時海寇竊發有司令能捕獲者爵賞有差有鄉民三人同負米

入城易錢若干緡出城一舍惡少年利其所有追及械繫之誣為盜一富豪復賂少年掩為已獲以

邀賞立善識其中一人為張萬者毅然陳其狀於官訊得其情三人獲免於死

吳淳

仙居縣志字世洪仙居人嘗設義塾訓其鄉之子弟初里中惟種陸淳率眾開白馬堰引水灌

田自是得種水稻民食其利

林喬年

黃巖縣志字松孫黃巖人一門總服同居共爨無間言建沙埭二閘溉田萬餘頃鄉人利

之賴

阮弘道

台州府志臨海人平生好義青嶺有渡往來者病涉弘道捐金造舟募舟師給以田築屋

與居為久遠計行者甚便弘道歿其子

宗韶孫榮之踵而修之名之曰利涉

陳世榮

臨海縣志字茂卿邑人嘗道拾遺鈔同行者欲分之世榮曰非義也訪其主乃委吏之婦



易產以贖夫罪者婦得鈔泣  
謝曰妾自分必死今更生矣

韓禮仲

天台縣志天台人從學東陽許謙之門薦辟  
固辭不就元統間遇寇警率衆防禦後居民

被水災禮仲竭貲賑救立  
義塚以瘞枯骸人甚德之

汪蹇生

天台縣志字本真天台人性簡率能急於義  
其姑嫁周氏家大疫家人避逃蹇生獨往侍

湯藥病  
愈乃去

張常德

寧海縣志字德盛寧海人家故饒裕父為里  
豪所併貧甚常德既長治產十餘年不減其

初族人常為巨量受租常德走撞破之至正末浙  
東飢發廩濟其鄉人不足令昆弟繼之又不足則  
徧說富人繼之人多賴以全活已而盜起大掠其  
鄉常德度不能拒具牛酒迎之願無苦小民盜竟

不犯  
其鄉

丁夢松

台州府志字仁仲天台人嘗莖族喪六嫁孤女二至正間歲飢賴以活者數百家

婁治安

寧海縣志字原佐寧海人讀書篤義其家以糧役被罪議產多者逮捕羣從相顧莫肯赴

治安產最下挺然獨當羣從願割產以酬治安曰吾赴急義耳何以利為一無所受遂就獄輸作乾

州行冒雨雪  
卒咸陽道上

吳文虎

黃巖縣志字文翁黃巖人歲飢貿粟千餘斛下其直以濟邑人貧無以糴者賑貸之購石

甌城南路以便行者築館延師以訓邑子弟舉進士者數人有司以文學薦辭不受

張真

台州府志幼育於臨海陳氏元末丁未兵入郡城民居被燬老稚倉卒走匿真獨抱主人幼子

祚出遇悍卒脅令棄祚以從真不可哀顧再四卒欲殺祚真以身翼庇被數刃不動卒乃舍之而去真抱祚還創甚或慰之真曰吾素受主恩止此一息何忍棄之吾今死無憾矣越三日而卒陳氏子孫懷其德歲時享祀必及之

明

黃中德

赤城新志字觀成黃巖人幼穎悟受學於鄉先生潘伯修之門及伯修為方氏所害乃嘆

曰人生於三事之如一讐其可以不復耶聞明兵至發即持書間道詣軍門請為師復讐會方氏歸附事乃寢

鄭士利

方孝孺鄭士利傳字好義家寧海少為縣諸生洪武九年天下考校錢穀策書空印事起

凡主印吏及署字有名者皆逮繫御史獄凡數百人丞相大夫皆知空印者無他罪可恕莫敢諫適星變求言士利乃為書數千言言空印事最詳以為誠欲深罪空印者恐奸吏得挾空印紙為文移以虐民耳臣以為文移必完印乃可今考校策書合兩縫印非一印一紙之比縱得之亦不足用況不可得乎且錢穀之數府必合於省省必合於戶部其數誠不可懸斷預決必至戶部而後定省府遠者去戶部六七千里近者三千里待策書既成而後用印則往來之難非期年不可至故必先書奏上大怒令丞相大夫雜問必有主謀者士利曰顧吾書可用與否耳且吾業為國家言事自分受禍人誰為我謀乎辭卒不屈遂輸作終身

林德世

台州府志字一元臨海人通經史大義明習世故寧海令李茂一見奇之辟以為佐德世

為立法以度田著成冊書每按之以定賦役無不均歲餘令遷定海會歲早郡守禁民訴災德世贊令力為民請守怒請益力竟得免民有兄弟爭財致訟者德世諭以倫理訟竟息有以田說寄他戶避役者令欲徙之德世曰誠信未洽民之為詐非特民罪也乃得不徙其因事利民多類此

馮詠

臨海縣志字處夔臨海人永樂間歲連飢里人王德章以重逋無償鬻妻子詠聞而貸之粟德

章感激繪其像祀之江右鹽商有覆舟者窘迫求貸不留券與以金

余學夔

台州府志寧海諸生當逮捕方氏時金陵魏尚書澤謫官寧海典史得方先生遺孤纔九

歲百計覆匿學夔知之毀形佯狂乞食於市迺魏公城隅作狂歌乞食魏公默會於意乃密致書劄將方文稿併稚子盡付之學夔逃赴海上匿島嶼間彌月沿及海邊各鎮抵松青村與其僮日治習

網易米以給華亭有俞允任勉皆正學畿府所造士學藝潛入城訪之三叩始得見出魏公手劄乃大驚遂得安置焉後十四年允以養女納方氏孤為館甥因冒俞姓是時黨禁嚴俞以為嫌復改姓余名德宗字必昌遷白沙里生三子長友直次友諒友竹五傳至采司訓南昌弟塾以太學除海寧丞萬歷時始歸宗

盛希年

黃巖縣志王叔英鄉人也為廣德州祠山道士革除間叔英募兵廣德知事不可為因目

希年所藏棺謂之曰人生得此足矣且問所直希年莫測其意將死以白金及書遺之曰可塋我祠山之麓希年始悟比卒人莫敢視希年竟斂以其棺塋之如其所指

王湑

仙居縣志字懷玉仙居人正統間歲飢輸粟二千石以賑鄉之老弱事聞詔旌其門

柳耦

台州府志字承嘉臨海人兄為委吏罷而貧割

木為樁死不能斂者給之里有渡病涉則造舟以濟往來復置田立屋以居守者六旬初度諸子議

開筵為樂弗許乃度其費以貸里之通官輸者卒之歲悉取其券焚之

葉希聖

黃巖縣志黃巖人清修為鄉里所重季父詠謫戍於淮託以孀婦童孫併其家財付之詠

後歸見婦孫植立財帛如故嘆曰吾姪託孤之節當於古人中求之

金孟琚

寧海縣志寧海人所為多師古挽俗之事創屏山書院以訓宗人喜積書每用重金購之

嘗積粟四千斛以濟鄉人全活甚衆有司上其事賜爵承務郎

陳彬

陳揚

台州府志太平人彬字儒珍號敬所弱冠為諸生與黃文毅孔昭以文行相激

勵立義學以教宗族鄉黨士之從遊者歲恒百數  
又率宗族立大宗祠堂行冠婚喪祭之禮斥去淫  
祠立里社每日早起參謁祠堂教戒弟姪然後與  
諸生講論經史如是者三十餘年弟揚字儒數邑  
令表某命監邑中倉有規利者啗以白金五十兩  
却不顧表由是益知其可任時以訟獄之難決者  
予之決揚即裏糧親詣其地集耆老剖判咸得其  
情於是人之有質者往往不之官而之揚家故貧  
恒躬耕質者至輟耕立斷郡邑大夫至恒與抗禮  
為主賓尤急於為義宗族之死而無歸者皆為拊  
埋有孤無依者率收養之遠近來遊學於教  
所之門者薪水畢具然無代力恒親身為之

趙巖

太平縣志字維石太平人同第維揚捐  
資築二石閘溉田凡數千畝鄉人德之

湯箴

天台縣志字仕器天台人建橋濟衆賑飢周  
貧嘗代償官賦以甦一邑之困卒年九十



葉琰

台州府志字文巖臨海人少慕方正學為人嘗輯其遺文摭述家狀以傳世聞正學有遺裔在

雲間訪求累歲嘉靖乙丑以貢入京過南都有聞迺為振發幽奇冊又致書正學裔孫學博采海寧

丞塾諭其復姓歸里守正學祠琰為諸生時嘗捐仙巖祖遺樓房以祠文文山及杜許張和孫

蔡智槐

黃巖縣志字元升黃巖人其先五世合食既而中析智槐乃與弟智諒承其父志合族人

數千指同居共爨輕財樂施姻戚貧者賑之死者塋之立塾延師以教里人子弟歲出粟數百石代

之輸課稅

義聲翕然

趙元銘

兩浙名賢錄字廷時天台人嘗寓武林館人女夜奔之元銘即拂衣起去家貧好賑乏節

衣食以務施無倦色將嫁女買孥詢是良家子即擇配先以女奩嫁之人以元銘行不媿古人皆以

趙古人稱之年九十餘無疾而逝

潘泰

舊浙江通志字永寬臨海人平生重信義黃巖孫靜之仙居彭南容各寄白金百兩於其家一

夕隣火延及泰不顧他貲獨取所寄金以出已而各歸其主有司頗其門曰真義士

童悅

黃巖縣志字思道黃巖人歲大疫貧民率委溝壑悅捐貲施棺郡縣表其門曰一鄉善士

陳子元

天台縣志字時善天台人嘗買潘氏屋居間者攜其價數十金至中途遺之子元念其家

窘竟不問仙人虧租欲鬻其子以償不許且捐穀全活之親族有老而無依者皆贍養之

章士麟

台州府志字祉威寧海人慕陽明先生學凡言動取與無不準諸道義年未三旬喪偶或

勸之娶則曰有子繼嗣足矣不復娶後以義夫旌家惟四壁而性樂施與屢舉鄉賓人稱靈泉先生

吳子龍

仙居縣志字性之仙居人友人欲以子締婚於子龍未成言而友人死遂以女妻其子曰

向已心諾之矣以序當貢其次老而貧固讓之後為滁州司訓將之任寄三百金於某家比返匿其

金子龍笑

而不問

錢文洲

范宗

陳珊

寧海縣志並寧海人萬厯間歲飢各捐穀二百餘石備賑

有司旌之

應巨

台州府志仙居人饒於貲急然諾好施予人有求無不應會里中大疫比戶相染皆避去巨遍

詣諸病所探之捐貲為市藥求醫所活百餘人子匡字伯泉能承父志鄉先達王刺史存忠以女妻之存忠精堪輿術嘗與匡卜兆以厝父匡曰信佳當與從昆弟並受之遂闢吉以祖塋諸伯父合塋

焉存忠曰天地鬼神實臨汝心厥嗣其昌無煩地脈為也年二十籲於庠以所得廩祿分贍同庠之貧者洎貢又三讓其次或詰以故曰彼親老家貧而齒復加於我豈市恩哉子大猷大桂俱進士

楊繼思

舊浙江通志寧海人萬厯間見摘星嶺峻絕為行人所病捐金五百貲之不避寒暑者五

年向為烏道頓成坦途今之新嶺其創改始名也遂易名楊公嶺

楊師儒

寧海縣志寧海人萬厯間洪水衝壞溪橋徒步者苦之師儒捐貲三百兩五載落成

吳文虎

舊浙江通志字文翁臨海人自奉甚薄而樂施予歲歛貿粟千餘斛下其直以濟邑人購

石甃城南路築館延師以教鄉人子弟有司以文學薦辭不就

王彥

舊浙江通志字汝翼台州人孝友義讓著於鄉間年八十卒妻羅以餘貲賑隣里

胡梯

台州府志字德升寧海人萬厯己丑歲飢梯作

糜賑之存活甚衆有潛鬻其牛者梯置不較稱  
貸者負之不問有貧不能婚娶者  
輒助之邑令高其誼每單車造廬

葛承傑

台州府志字鼎生又字匡鼎黃巖人精經學  
喜談忠孝大節講學澄江環堵蕭然崇禎丙

子冬有番賈數十人飄舟窘急排闥擲金數萬求  
援承傑委曲全活不受其報所著有周易要言禮

記別解四書新義  
較正天文等集

國朝

陳球

舊浙江通志字君命號一鳴恭愍六世孫幼失  
恃朝夕哀慕逢忌辰齋三日如初喪時立義田

建義莊積穀以濟貧乏順治丙申歲侵道殣相藉  
煮粥以賑全活甚衆鄉民未朝采以貧鬻妻券已

就奪而焚之給以資全其夫婦毛應智年邁鬻子於他方為贖回然終身未嘗與人言而其入自言之

張之藩

台州府志字則价臨海人天資純厚喜陰行善事凡焚券已責助婚助塋皆樂為之歲飢


里人艱食發粟賑濟舉賓筵固辭不赴年八十有六飲食如少壯時一夕呼其子孫立堂下勅斷家坐而逝

葉臣遇

鄉賢留祀冊臨海人正紅旗教習貢生歷任湖廣直隸郴州知州嘗立宗祠以合享祖先

留薄產而以腴田讓弟族戚之冠婚喪祭靡勿竭力以濟康熙十三年閩寇水陸犯境時制府暨平南將軍駐二衙鞭長不及台郡兵單糧少甚危急臣遇盡散家財以濟軍需勵士庶為城守計郡賴

以全又嘗捐資葺方正學祠且割產以供祭祀其  
他置棺槨施藥餌贖仇離之士女葺頽圯之津梁  
聲稱藉甚康熙  
二十八年入祠



浙江通志卷一百八十八



欽定四庫全書

史部

浙江通志卷一百

八十九  
九十

詳校官給事中<sub>臣</sub>戴璐

檢討<sub>臣</sub>德生覆勘

總校官編修<sub>臣</sub>倉聖脉

校對官中書<sub>臣</sub>李奎

謄錄監生<sub>臣</sub>馮士新

欽定四庫全書

浙江通志卷一百八十九

人物

義行

下

金華府

宋

吳圭

金華先民傳字彥成義烏人個儻好施與太學生程績從故人貸錢三十萬將葬其親同舍生

漢臣給取之俸歸人償其兄留滯弗與圭如數代償焉至京道遇鄉士葉祖信為太學陳生哀具

棺斂圭迹曰得暑如此須衆則事緩矣立如所費周之

陳慎

永康縣志永康人宣和中納粟賑飢授中州助教冠亂積骸平野躬率二子良臣良能收瘞之

紹興中二子並登第授官乾道間歲大歉為粥以食飢者鄰有通稅代償之復建橋三處曰上降下降東濟甃道以便行役孫五人亦相繼貴顯人以為施德之報

鄭淮

揭侯斯鄭淮傳字巨源浦江人通春秋最憫人窮靖康年飢盡破其產活之

傅光

金華先民傳字子溫浦江人仕為諸王宮教授未幾退歸田里方臘反縣民多託之為亂任士

安統兵至怒甚欲盡屠之光與任厚往諫之曰亂者惟通化一鄉餘皆良民將軍奉朝廷殺賊耳奈何延及無辜任悟遂如其言

喻葆光

萬厯金華府志義烏人娶黃氏睦盜起青溪婦翁以白金千五百兩屬葆光窖藏之盜平

婦翁死三子俱幼莫之知也葆光舉而歸之  
三子請以二百金為謝葆光雖貧力辭不受

王槐

義烏縣志字植三義烏人紹興辛未進士里中  
山田苦旱捐資募民開濬為塘周三千六百步

四山七十二澗水會焉以下流難捍倚飛來山築  
隄七十餘大東西鑿石開斗門歲時蓄洩以實田

賴以饒既卒  
里人祀之

陳德高

兩浙名賢錄東陽人慕范文正公之義割腴  
田千畝立義莊以贍宗族又設義學以教里

中之子弟族人婚宦死墓皆有助遇遭困厄貧不  
能立者捐金予之不令人知有貧而鬻產於德高  
者如其請畀之積所入之數及原直  
則舉而還之山陰陸游為撰義莊記

喻南強

金華先民傳字伯強義烏人少負奇氣從陳亮游亮下大理罪且不測門人畏當路威焰

噤不敢出聲南強義形於色貽書誚責言先生無辜受罪將賣恨入土吾曹為弟子當激昂慷慨以赴之乃匿影收聲以自完是得為士類耶走東甌見葉適備述亮冤狀適曰子真義士即秉燭作書數通付之南強遂持書走越見諸臺官誦言無忌卒直亮之冤禮部侍郎真德秀以言事去京兆尹迹其所至見與交游者輒罪之德秀舟過富春南強亟往見且賦詩為餞人皆壯之宋濂喻南強傳慶元中貢於鄉上禮部不得第授富陽尉轉縉雲丞著有梅隱筆談十四卷

郭欽止

萬厯金華府志字德誼東陽人輕財好施嘗闢石洞書院以教宗族子弟鄉之秀民願請

業者亦聽學焉撥田數百畝以隸之後進多所成就從兄良臣建西園書院姪伯廣建南湖書院皆

慕欽止之風而興者其  
卒也朱文公為銘其墓

汪大度

汪大章

金華先民傳大度字時法金華人受業呂祖謙慶元初祖謙觸權奸

貶饒州大度往送之伴送者凌辱祖謙大度以義折之直欲與之坐獄從至貶所久之乃還經紀其家事甚至朱熹致書深加歎敬第大章字得叟亦從祖謙遊祖儉之卒也大章距秋試纔四日舍之就道護喪以歸故人路知監卒於斲不能還塋大章走斲載其柩歸割地塋之

張垓

金華先民傳字伯廣金華人以蔭入官葉正則未第時貧甚垓館於家資給之後正則帥建康

辟垓為淮東轉運使幹辦公事呂祖儉得罪貶垓方在官所即解裝貿輕費追至信安贈馬陳亮被誣繫大理獄垓不避禍奔走經營卒脫其難

盧寬民

兩浙名賢錄東陽人嘗拾遺珠一裹價值不資持歸令人於獲處俟焉少頃失珠者號泣

而來詢得其實舉還之其人泣且拜曰非公死矣今之生公之賜也後嬰疾幾殆忽神降於女奴言曰上帝以君還珠之德賜以壽考復示方藥疾遂愈卒年八十六

葉大同

金華先民傳字會之蘭谿人為重氣義有友人死而無櫬者其家欲賣盧以為櫬大同

曰吾未死已有木友已死乃無木吾縱死不致剥盧友雖死不可無盧遂毀已櫬櫬焉兄弟三人其兄紹彭早世無嗣大同以幼子後之或謂法應分其產大同曰嗣可分產不可分明義利也義利明則吾兄真有後矣王魯齋曰世有繼嗣之爭者觀此可以少愧

范大錄

金華賢達傳蘭谿人為本縣吏行案公平不撓法以求賂中年無子因迂監司至白沙買

一妻後生一男官至少卿生二孫一為郎官  
一為提舉曾孫相繼登第追贈正議大夫

方永齡

兩浙名賢錄字無盡金華人敦禮尚義而好  
施宋末兵興歲飢流亡載道永齡發粟作糜

以食餓人復作棺衾以給殍屍之無告者薦授  
州錄事入元棄官隱居孝川徵聘不起惟儲藥施  
方以濟患者  
終其身不急

元

吳謙

金華賢達傳字仲恭浦江人世業儒父蜚聲宋  
秘書省較勘文字與謝翱友善翱寓謙家尋卒

無嗣謙經營喪塋刻石誌墓  
復輯士友哀誄為哭謝編

季舍孫

義烏縣志字國用義烏人嘗構書舍與弟姪  
講學詠詩以自適設義塾延師教鄉族子弟



值歲歉發粟賑飢者人有  
不善委曲開諭令其悔悟

鄭文嗣

鄭太和

元史鄭文嗣傳文嗣婺州浦江人其家十世同居凡二百四十餘年

一錢尺帛無敢私至大間表其門文嗣歿從弟太和維主家事益嚴而有恩家庭中凜如公府子弟稍有過頒白者猶鞭之每遇歲時太和坐堂上羣從子皆盛衣冠鴈行立左序下以次進拜跪奉觴上壽畢皆肅容拱手自右趨出足武相銜無敢參差者部使者余闕為書東浙第一家以褒之太和方正不奉浮屠老子教冠婚喪祭必稽朱熹家禮而行執親喪哀甚三年不御酒肉子孫從化皆孝謹雖嘗仕宦不敢一毫違家法諸婦唯事女工不出預家政宗族里閭皆懷之以恩家畜兩馬一出則一為之不食人以為孝義所感有家範三卷傳於世揭傒斯鄭文融傳文融一名太和字順卿

鄭文泰

揭侯斯鄭文泰傳字達卿浦江人大德末年飢人相食與兄文嗣鑄大釜鬲日煮糜分啖

全活者數百人性介特據直道行不肯持兩端保州里如家數十里間黥髡盜販無敢入其境撫家一以慈書忍字懸置各室使相雍睦其家自淮毀產極荒甚貧至政漸裕德璋始大振迨文泰愈盡心不辭凡山林陂澤園田室廬得以斥拓資義聚者文泰功為多

呂汲

萬厯金華府志字仲修永康人族人貧者月有廩年常入學者家有塾隣里有急必周之歲歉

為粥以食餓者所活千百計至自奉乃極儉薄甫踰冠大盜竊發官軍進討汲踐重山密林探其巢穴事平口不言功子機字審言樂賑鄉人之急人或懷嶮熾以相傾忍弗與較綽有父風

蔣沐

金華先民傳字澤甫東陽人居橫城個儻尚義即所居之西建義塾一區割田租一萬隸焉迎

致方蛟峯為之師擔簦負笈者不遠數百里而至其教法一遵白鹿洞遺規月書季考礱石題名二十名以前給贈帶帛書籍其餘分贈有差喬見山陳月齋呂存齋繼主師席前後題名者六百八十有五人至元中江右行省薦授建昌縣主簿以病免歸

李叔安

永康縣志大德中遭時大歟發粟萬斛賑飢隣邑扶杖襁負就食者以數萬計置大釜煮

粥食之多賴以全有司表其所居坊曰由義

丁廷玉

義烏縣志自幼倜儻有謀畧嘗受業石一鰲之門至正間里中豪猾徐甲嘯聚為亂縱火

焚縣治剽掠村落勢張甚廷玉乃散家資率民兵捕斬之鄉里賴以安事聞授武義縣教諭

袁仲仁

金華先民傳名大珍以字行金華人兄大通客死永嘉仲仁親往取遺骸歸塋先隴嫂張

氏吳氏寡居無子張居海鹽吳居鄞俱迎致而終  
養焉二姊適甯氏皇甫氏早喪所天子女號號迎  
養於家且為之婚嫁置田廬以贍其生友人張彥  
希自雲南經歷致仕於家一日夫婦俱為仇家所  
殺盡刦掠其財一女銀奴甫生仲仁往哭之抱其  
女歸撫如己女日夜為踪跡其賊竟得之伏法鄞  
人蘇甲趙公事來金華病莫能行同事者委之而  
歸仲仁攜還家迎醫治疾及愈其人德之不忍去  
憫郡民貧者無塋地每至焚屍沈骨負  
郭有沃地直可五千緡捐之為義塚

### 蔣大同

萬厯金華府志字伯康東陽人立義塾以教  
鄉里子弟凡幾百人供給衣糧者餘四十年

賑恤顛連無告者不問親疎歲飢有倉行旅經其  
門者有資給喪有賻婚嫁有助人干貸之者即如  
數無吝

黃伯良

正德蘭谿縣志蘭谿人至正壬辰以四方兵起令出民財募兵捍禦鄉邑拜官有差伯良

應令出財募兵一百人皆勇壯可用憲司令扼要地江浙行省授伯良本州稅務大使

田子貞

永康縣志名貞以字行至正丁酉寇起縉雲民多奔竄巖穴且飢饉相仍道殣相望子貞

出已粟賑之皆羅拜於庭曰我等已在鬼籙賴公生我尚有役使蹈水火無恨于貞因結為義旅使捍鄉井賊不敢犯兩浙名賢錄廉訪使者檄授巡檢子貞辭明兵下浙東陳友定授武義尹知天命有歸縛使者戮之焚其書

劉大音

兩浙名賢錄字韶父義烏人族人瀕死子方乳以業券授大音曰非君仁恩不足以保此

子大音歲券笥中候其子長召而觴之還其券周急卹廢不一而足歲侵羣盜起至相戒不敢入其

里宋太史濂稱  
為古之吉士云

明

鄭濂

明泳化類編浦江人自其先世祖綺有純德傳至文嗣已六世同居二百年咸如綺在時元至

大四年詔表其門人明曰濂曰浞皆以行誼聞時傳十一世矣族人蕃衍產益多郡人推為糧長屢以事入覲太祖識之後有人訐其家與胡惟庸行財戶部陳員外指與郭恒糶倉糧有司逮濂及弟浞至京上曰鄭氏義家馬有與人行財糶官糧顯是誣害追到鈔貫命給還仍擢浞為福建布政司叅議因詢所以治家長久之道濂具以對上深善之洪武癸酉尚書嚴震直述其家世孝友命簡其子弟年三十以上者二十四人並授之官有曰濟者最有文學除左春坊左庶子侍從東宮辛巳四

月詔旌其門閭曰洪者以宗長詣闕謝恩陞辭曰  
上御奉天門親書孝義家三大字題其傍曰賜浦  
江鄭洪而識以精一執  
中之璽一時聞者知勸

謹按鄭湜著有政績見循吏門名山藏云湜家被  
誣通胡惟庸反湜與濂爭詣史濂曰我長湜曰兄  
老相推者數四太祖聞之曰有人如此而從人反  
耶召賜飲食勞免之所載小有異同附錄於此

王澄

浦陽續人物記字德輝縣人忠惠公萬之後勇  
於為義與其弟不分財異居瀕終戒諸子士覺

等曰同里麟溪鄭氏合食同居久而彌篤若等似  
之吾瞑目無憾矣澄沒士覺召子姓等謂曰吾父  
有遺言欲法鄭氏今鄭氏成規具在吾將損益行  
之何如皆踴躍承命共叅定家則一卷計一百八  
十四條凡敬先務本敦禮厚生睦族恤衆具有條  
貫而敬戒防範曲盡其義洪武初郡縣上其事旌

為義門同鄭氏簡拔子弟可用者  
赴京懼王慶為右春坊右庶子

金盛宗

永康縣志縣人敦行好施捐建文廟櫺星門  
洪武間出粟一千四百餘石賑荒璽書褒美

其餘造橋梁修  
道路種種可風

戴升

分省人物考字善甫金華人種德尚義嘗捐已  
田五百畝置義莊以給養宗族親姻之貧乏者

又設義塾以教訓其子弟殿講御史  
盧度為撰記其後子孫食報不衰

郭叔和

揮塵新譚蘭谿人永樂癸酉山崩溪漲叔和  
家當溪口其沿山居民盡為漂流積屍蔽溪

而下叔和倩人撈之灘上族屬認而舁歸者以百  
數其他不能認者尚多叔和積薪置屍於上焚之  
復拾遺骨瘞之謂之叢塚山田多荒廢者叔和楊  
言於衆曰願佈種吾助之歲登吾不責償由是民



咸就之後叔和之子若仲曦仲南仲初仲時輩為郎為執法為中舍者相繼顯於時

錢澤

魏驥義民錢澤墓表字世淵上世自臨安徙金華尚義出於天性家素饒歲飢僅出穀一千二

百石以助有司之賑民有逋負者出穀一千四百石召其民於前悉焚其券有司以聞璽書旌為義民

王稔

吾學編字叔豐祖禘死國稔少有志從學方孝孺甚為所器欲妻以女未及也嘗周恤其族又

嘗與孝孺表姪鄭珣至聚寶門外求其遺骸歸塋不可得卒逮繫文皇帝念祖禘死國之忠特宥免方嚮用而稔力以疾辭讀書青巖之下將終身焉後輯方氏遺文為緹城集以傳世名山藏稔卒門人私謚為孝莊先生

汪灌

兩浙名賢錄字慶衍金華西山人為人廉直能急人患難人有故叩之即風雨寒暑不避歲

惡飢民羣起為寇守召灌為畫欲調兵灌曰無以為也此直丐升斗救死耳下片符可致何俟兵乎

脫兵出則挺而搏矣守悟然猶遣巡檢與俱灌止巡檢於家飲食之獨以數十輩持符往至則畢集

吏覲功悉論以死灌詣府伏庭下不起曰是曹束手隨檄來未嘗扞法也今以逆論之後復無凶歲乎且灌實召之灌不忍民從灌而就逮以死也守感悟亟解散其獄特黥者二人而已

倪士華

浦江縣志浦江人贅蔣洪家洪愛之遂無意育子士華曰異姓不可承祀買陳氏女進之

踰年生二子士華挈千金之產盡還之歸理舊業日益饒裕宣德間歲飢輸穀五百石正統間飢又輸穀八百石裔孫治亦好施與有負責者折其券里戚不能婚塋者助之嘉靖間絕丁為累為白於

長令

蜀馬

吳畿

義烏縣志字希采家世饒甲於一郡輕財重義正統戊午歲飢輸粟二千石以賑旌義民復其

役歲已巳師平處寇畿同第希俊希厚捐資犒師以省民力復助金修學協造通濟橋第希仁希玉輸粟賑荒歲掌區賦代民先完希仁子文勉屢出粟賑飢代族人輸賦又捐資建忠孝堂文星樓濬繡川湖成化間奉詔捐米三百石以蘇民困授九品散官

徐蒙

金華先民傳永康人正統十四年括寇掠境居民多逃竄先是縣收折鹽糧銀數百兩付

蒙六傾銷未交官而寇至蒙六以棺貯埋土中而逃人無知者後寇退官將重徵於民蒙六索其銀以獻曰銀故在勿徵也官大異之顧而歎曰此善人其後必昌今其子孫多殷盛人以為積德之報

葉思瑞

東陽縣志字文貞事親恭順撫諸弟亦篤摯宗族有不自給至鬻其女者思瑞曰爾我雖

有親疎自祖宗視之均一體也我不爾恤是忘祖宗亟贖而嫁之正統丁巳歲飢罄所藏粟貸鄉民約秋成不取息至期貧不能償者不較戊午貸如初復具糜聽老弱就食所活甚衆又代民輸是年夏稅

朱文完

義烏縣志義烏人家饒於財赴義樂施惠及鄉閭雖商旅往來困乏者莫不賑之正統間

處賊陶得二等率衆數千流擾郡邑所過抄掠無遺經其境賊語其黨曰此長者朱文完之間相戒秋毫勿犯

包懷德

兩浙名賢錄蘭谿人為諸生時與同邑胡文善同席研既而懷德為侍郎而文善亦以進

士為主事居京邸文善病革懷德往訣文善泣語曰吾無子止一女見託能為終始乎懷德曰諾既而文善與妾相繼卒懷德抱其女歸囑妻育之如已女未幾致政歸其女齒長矣擇昏得祝生將字之懷德與文善居相去幾二十里文善雖死而故居尚存懷德先令人分其室為三夫婦引其女抵文善居已處左楹妻與女處右楹虛其中設文善夫妻神位至日備祭筵為文以聘嫁告命女拜已復拜其婦懷德長號痛哭然後行婚禮遣嫁之奩具皆備當時稱友誼之篤不以死生易心者無不稱包侍郎云

黃裳

分省人物考字元佐浦江人嘗讀范仲淹義田記感而捐常稔田二百畝儲租以濟疎族鄰里

之急者名之曰希范晚第進士調三衢司戶

陳懷堂

東陽縣志號侃齋東陽人初秉家政遇歲飢輒發穀三百斛賑之全活甚衆薨於道者為

之楷斂歲視農民緩急量為給散有司聞其賢令總一鄉之賦貧不能輸者每為代償凡二十年不變又販買義租代鄉人輸鹽糧囑子孫世守父叔良以正統戊午發粟數百石餉貧者又為貧民代輸夏稅陳氏固世有令德哉

盧楷

兩浙名賢錄字中夫東陽人天順壬午鄉試第一入太學時祭酒邢讓陳鑑司業張業以典簿

侵饌錢抵罪楷方厯事中書奮欲救之或曰無益且得罪奈何楷曰師生猶父子也父既溺子可懼罪而不號呼以救之乎遂率同舍百餘人伏闕上書卒白三人之枉公卿間高其義以方唐之何蕃云

俞統

金華先民傳永康人成化十九年大水家被衝沒妻女皆淹死先是有商入市者寓數十金

其家而去至是商人泣而至統曰無庸吾家雖破銀幸收檢尚存半而還之弗與毫釐云

趙孟實

東陽縣志名光華以字行富而好禮喜賓客交納四方衿佩禮遇備至其於鄉隣顛困時

有周卹處宗族尤有恩義或公帑告乏及郡邑有興造輒捐金發廩助之成化間學宮齋廡壞孟實與其姪鎰及張啟陳懷堂張鵬等重建分毫無擾於公浙僉憲張悅欲建青蘿山書院祀潛溪宋先生以語孟實出力獨成之歲大侵出粟六百石入官薦授承事郎

張禮

浦陽續人物記浦江人家衆千指食饗五世不析性好施創義倉以賑貧乏置養賢莊以禮士

嘗出穀千石佐軍興弘治間旌其門曰敦義

張萬山

義烏縣志居縣之龍陂一日出見道傍橫尸令掩之因念曰是暴露者殆無主乎即有主而

無地

欲塋得乎似此者必多捐九里谷山聽鄉人之貧者塋焉事聞郡邑優獎

陳寧實

湯溪縣志湯溪人嘉靖間值歲歉捐財代輸二都鹽糧又出穀以賑飢民學宮內造育英

坊又捐資以助鄉里請

給冠帶酬之辭不受

張孟暄

浦陽續人物記字克和縣人性孝友仗義嘗捐金為邑學濬湖為金衢嚴三府豁濫賦

洪希文

湯溪縣志縣人縣東有芝溪橋行者病涉希文捐造石橋往來便之萬厯戊子歲飢出穀

三百石以賑貧乏

陳公昌

義烏縣志居縣之西門一夕自外歸於城門左甃石拾囊金二百餘攜歸屬其妻曰此故



人物謹藏之明日至石邊俟之有倉皇至者詢之曰吾糧長昨領夏稅往府偶醉卧此寤驚文書在家急走歸因遺金不收吾自量無活理公昌驗實還之封識如故其人願分金以謝不受

國朝

戴正傑

鄉賢留祀冊浦江人昆季四人分爨之日不較家財明崇禎丙子浦邑大荒買穀八百石

散給飢民全活無算族中無力卜墓者為買地於金獅嶺下立為義塚復捨山木為棺槨之具創建本族祖廟祀產以備蒸嘗又於廟側構書院六間另設義田二十畝收租以給族之貧而不能力學者見費宮傾圯捐金倡修康熙三十五年入祠

胡之翰

題旌冊義烏人歲貢生授嘉善縣訓導在任八年捐資修葺學宮周卹寒士居鄉置義塚

設粥廠建義塾力行善事事聞奉旌

應杰

鄉賢留祀冊永康人雅志好古著家範行古冠婚喪祭禮事父母盡孝析產取薄者修大成殿

建明倫堂代完鄉民逋稅善事不可枚舉學使者萬潮扁其門曰世禮

鄭應朝

鄉賢留祀冊世居浦江義門其先九世同居歷朝旌表時家道中衰慨然以紹祖為已任

冠婚喪祭一遵舊規孝義家風賴以不替康熙三十六年入祠

應修

公舉事實字舒佐永康人九歲失恃哀感隣里為之罷社事繼母先意承志母失明不離側者

三十年兄故貧無以輸賦歲悉代上之明倫堂大成殿地首出資以倡興作設義館以教人置義塚以掩暴露歲獻出粟為糜以活飢者

鄭壁

公舉事實浦江人上世十一世同居旌為義門壁奉為家範親喪廬墓三載浦邑僻處山陬諸

生艱於資斧不能應試遵父遺命捐田百畝為諸生科舉路費又置田若干畝給族人科舉路費文廟傾圯捐資修葺又捐田以供歲修建宗祠設義塾築橋梁立義塚歲早散斛六千賑貸雍正元年舉孝廉方正奉文給六品冠帶送部引見以老不赴卒年七十有六

鄭思俊

公舉事實浦江人事親以孝聞與伯兄同爨事之如父有事必諮而後行撫諸姪同於已

子邑有義塾延師教之歷三十年無倦色性好施予捐文武應試路費田一百畝又捐田三十畝以為修葺學宮資他如置義塚施藥捨衣至今子孫猶繼其志祀鄉賢

衢州府

三國吳

徐平

三國志虞翻傳注字伯先太末人諸葛恪為丹陽太守請平為丞平為恪從事意甚薄及恪輔

政待平益疏恪被害子建亡  
走為平部曲所得平使遣去

五代

慎溫其

弘治衢州府志西安人事吳越都統軍錢仁俊會程昭悅譖闕璠杜昭達欲奉仁俊為亂

收溫其使證之考掠備至堅守不屈吳越  
王弘佐嘉之擢為國官誅昭悅釋仁俊

宋

江景防

兩浙名賢錄字漢臣常山人初事吳越為侍御史唐末諸國私為重斂吳越尤甚民皆困

苦及宋平諸國賦法皆仍其重景防歎曰民苦苛  
斂久矣使有司仍其籍民困無已時也吾寧以身  
任之遂沈圖籍於河詣銀臺自劾所以亡失狀太  
宗怒謫沁水尉遂屏居田里以卒其後子孫相繼  
擢正科者四十九人由他科顯者不在是數而五  
世孫侍御躋六世孫侍御溥尤顯至十世孫萬里  
遂登台輔人謂陰德之報

祝文樸

弘治衢州府志江山人嘉祐間五世同居  
聚族六百餘口以孝弟廉遜為里閭所推

周自強

正德江山縣志字勉仲由刑部侍郎帥廣先  
是仕官卒嶺南者妻女不能還多流落為婢

自強奏請官為嫁之仍置接濟庫計口給錢米資  
之還且慮行之不久乃以已俸買田三十頃聞於

朝刻石  
著其事

毛文粹

江山縣志性仁厚周窮恤匱輸財助公郡守以聞勅賜迪功郎

范元之

天啟衢州府志西安人素貧篤志讀書盛暑浴於水邊拾得白金一袋歸謂其子曰世人

以財為命萬一失此者枉喪性命將如之何翌旦父子攜金於岸待之果有一婦悲號而至詰其故曰夫坐獄當死易田得金至此失之元之即以還之是年其室產靈芝數莖光彩奕奕明年父子登第歷十二世皆為郡守

祝禹圭

弘治衢州府志字汝玉西安人擢進士第嘉定初除尚書右郎未幾歸立義學訓族子弟

置義莊以贍貧者婚喪仍有助焉

鄭巖嵩

弘治衢州府志字如山龍游人德祐乙亥歲飢發粟平糶活三千口邑令舒渚榜其門曰

龍州  
義居

元

柴奎

江山縣志江山人至大間與進士邁珠同知衢  
州路時湖襄兵起凶徒鼓衆為亂共議討賊奎

毅然單馬入賊境喻以仁義  
賊衆感動遂解散郡賴以安

劉文瑞

天啟衢州府志字彥章開化人嘗賑飢復浮  
橋設塾延名儒鄭彥善輩為師以教子弟後

原善張宗元登第程琚魯  
貞領鄉薦榜其塾曰聚奎

祝君翼

正德江山縣志江山人好施予散簾金置義  
莊以賑鄉族之貧者縣尹孔淮疏其事旌之

汪琳

弘治衢州府志字清遠常山人家素饒歲歉必  
以貸鄉人貧不及償者亦不責焉嘗擇山之幽

曠者為義塚墓其親族之不能墓者進士程斗作  
記至正初浙東僉事余闕察其行義辟之不就以  
壽終  
於家

明

夏源清

龍游縣志龍游人洪武庚申以孝弟力田舉  
奉使蜀府克慎厥職王有所餽力辭不受其

家四世同居  
百口共食云

葉天保

天啟衢州府志字彥祥西安人洪武中有江  
山王姓虧糧累千太守郭敦親判券契田一

頃零二十四畝招富民出金以田償之莫有應者  
天保輸資一千兩有奇以應太守之命田在隔縣  
夷然不受居恒一方之民待  
以舉火麥舟之惠比於范公



余敬

弘治衢州府志字時和西安人拜監察御史剛毅端方彈劾不避嘗置義倉義學義塚以濟族

里

徐存禮

天啟衢州府志開化人嘗於道傍得一青囊啟視之白金也攜歸陰置之密室復往候之

有三人傍徨而來問之曰某皆藏人往遂安市杉木道此少憩遺囊於此內白金百兩皆稱貸於人者不獲有死而已存禮遂偕抵于家出以還之其人舉一錠以酌存禮曰吾苟欲之當盡匿顧乃取其少乎弗受

金寶

分省人物考字用誠開化人仁宗時授衛府左長史周貧恤難不吝所有故人林文郎卒於京

親為殯斂歸其遺骸太學生江表死無所托既為治喪閱其篋得白金數十兩封識以歸其家

華慶

開化縣志開化人正統三年邑大飢輸粟千餘石助賑有司以聞賜璽書獎諭後孫華檀亦以

輪粟助邊授

七品散官

徐儉

衢州府志號廉溪開化人隱居好施正統三年朝廷有賑邊旨儉慨捐粟千石疏聞欽賜冠帶

千石賑濟災民事聞賜秩文林郎

鄭黼明

西安縣志西安人正統四年例勸民有出穀二千一百石者賜勅一道勞以羊酒立碑旌

為義民時以黼明為首

王士參

徐庭立

江山縣志並江山人正統間士參輸穀一千二百石助賑有司以聞

賜勅一道免差役三年庭立亦江山人正統間輸穀千餘石助賑詔免差役

余章

萬厯龍游縣志字達夫勵志篤學動循禮法宗黨有袒裼坐者聞其至輒反走以無子買妾抗

州聞其女言父母為怨家所陷乃焚券遣歸得遺金道上訪其人還之

金紘

天啟衢州府志字士琬開化人同宗一門疫死二十餘人無敢視者紘獨周旋其間為之殯埋

紘卒之日至無以為殮

周延熙

正德江山縣志江山人隱居讀書嘗建義倉闢義塾施藥與棺鄉人德之

詹斯

常山縣志字宗理喜急人之困館賓李仁病疫僕隸畏傳染弗敢近乃躬與寢處藥弭扶掖無

闕卒愈飲商汪蘭來糴逸四十籌召還給之嘗收責至東門見王高四憐其餒反給魚米慰遣之鄉民江伯明等以逋賦被繫箠幾死為代輸踰百金陳真有負而寔將鬻妻以償急焚券以止之

方景溫

天啟衛州府志西安人父童以人才舉任福建鹽運司運判景溫省父道拾遺金三百兩

待失主不可得義不欲以自利為市糴與衣衾施不能塋者施日浸廣所獲遺金不足以父所與三百金繼之已又析產繼之至老不倦歿而身無以殮也

鄭春熙

衛州府志常山人成化間里民鄭廣為賊所誣幾死力辨其寃得釋歲旱糴米賑飢雖傾

篋弗惜經商遇道殣棺殮之有病暑仆地者亟救以藥得甦亦不問其姓名

尹蒙

萬厯龍游縣志龍游人性好義急人之難嘗出棺瘞里中貧而死者歲獻輒免鄉人租逋

余宗洪

天啟衛州府志字應大西安人善生息以供二親甘旨祖墓久荒為置祀田立宗祠里中

歿而無主者設義塚以埋之設義田以祀之歲飢捐穀二千石以賑之桃源冠起募義兵赴敵賊走

獲其餘孽

蔣宗明

衢州府志江山人四世同居房無私蓄人稱其敦睦

吾琰

天啟衢州府志字廷瑞開化人饒冠之變琰以義民協謀調濟邑賴以安居鄉務成人美有急

難即為排釋無不感服昆弟業已分資因兄老姪幼兼為總理置產俱為均分

徐九同

開化縣志開化人學宮之遷鐘麓也其地多九同業捐之無難色邑士咸誦其義

鄭騶

天啟衢州府志字德孚江山人正德辛未進士居鄉憫族黨之宴特創義倉遇荒施賑更設義

塾人知向學敦行

江鉦

鄉賢留祀卅常山人正德間歲貢生任玉山教諭生平嗜禮好古對子孫戒獲無惰容冠婚喪

國朝雍正元年祀鄉賢  
祭一遵家禮歲飢設義倉以賑鄰族

毛仲

江山縣志江山人嘉靖丙戌大旱傾廩賑飢全活甚衆

徐洙

衢州府志字東魯常山人好施予賑窮恤匱雖傾囊弗吝也輸粟義倉築造官壩葺闕帝祠於

迎恩門外以已地益之

蔣永慶

衢州府志字廷餘開化人睦族善鄰會里中疫人莫敢近永慶手剗湯藥以療之多所全

活歿者為之措棺給事中鄭瑞銘其墓

葉厚元

西安縣志西安人任上林監署正歲侵輸穀賑飢邊警捐資助餉倡義鼎建學宮修城修

橋助嫁殯蠲逋券周親多賴以舉火歷被旌獎

汪朝寅

開化縣志開化人太學生萬歷已亥捐穀千石賑飢郡邑旌獎

葉朝鱗

衢州府志西安人年八十五足跡不履公府急公仗義賑恤不吝千金造管家塘下陀橋

二處石梁里人稱之

國朝

徐開錫

鄉賢錄常山人由貢生歷陞彰德府同知慷慨仗義凡有所求無不傾橐以給毫無德色

助修學宮凡橋梁道路不時捐資修造人無病涉康熙四十一年祀鄉賢

江上達

衢州府志字仲顯開化人父歿遺券二篋悉焚之存心施濟寬厚溫和人以望見顏色為

幸明季寇盜充斥過其門皆曰此長者居勿入也子南齡成進士封奉政大夫年八十六卒

詹奎元

鄉賢留祀冊開化縣庠生孝友無間言族姪有不能婚者出資助之佃戶貧不能納租者

免之里黨死不能殮者施棺槨以瘞之遇歲荒減價平糶煮粥賑飢全活甚衆同圖有逃亡絕戶欠納虛糧者為置田給里民收租補輸國課一方賴之族人詹西來常山庠生嘗捐貲修大成殿建崇

聖殿並祀鄉賢

楊有材

開化縣志字石卿每遇歲飢出粟賑濟推解不倦嘗設策補墊圖賠里中賴之三舉賓筵

張延畢

公舉事實字蔚生開化縣庠生少孤事母以孝聞康熙甲寅寇變伯兄為賊弁所執挺身

赴救艱苦備嘗季弟早歿弟婦徐矢志自誓撫恤於流離困苦中卒完其節甲申歲飢米價騰貴慨然出資糴米首倡平糶邑東南鄉咸倚賴之



嚴州府

宋

胡莊

建德縣志字吉鄉建德人推江淮總幹補將仕郎乾道乙酉桃源寇作莊畫計擒之淳熙辛丑

水旱相仍飢殍甚衆莊以已之山林縱人樵採民賴以生

項訓

萬曆嚴州府志淳安人父肆字處約登紹熙四年進士第為湖口縣令時詔給官價買義役田

訓欣然割已田應詔不受官價縣令陳畢嘉歎因其所居清溪鄉曰和義千仞里曰歸善里

鄭璫

嚴陵志字伯壽穎之子做范文正公義田置仁壽莊以周宗族

方萬里

建德縣志字子萬嘉定四年進士趙汝述守平江遇之甚至汝述卒賓客散去萬里獨護

喪歸

方元龜

淳安縣志號友山家饒於資時縣哀民財治廳事元龜慨然曰小民疲弊吾請獨當之遂

捐資僦工不匝月而就令旌其義

元

姚椿壽

楊維禎姚椿壽墓誌字大年唐宰相崇曾孫秘書監合嘗守睦因家焉椿壽丰姿偉特讀

書輒了大義闢樂育館歲聘海內名師教子弟及里中兒性端直平生無二言與人交始終見底衷於義利曲直必嚴其辨鄉鄰有爭者得一言即解去歲飢周人之急惟恐勿及稱貸者久則焚其券創世濟橋於峨溪上橋置亭歲五六月施茗飲饌粥於行者邦大夫薛超吾道經桐廬枉道過門以

處士禮  
禮之

明

余郁

兩浙名賢錄字公文淳安人洪武初以薦辟入朝授陝西道御史尋坐事謫夔門時太史宋濂

卒於蜀墓無定塚郁結廬其上守護唯謹後有鄭楷者濂弟子也為蜀藩長史過夔郁泣而囑之曰

吾為若師守墓三十餘年今子來有託矣啟諸獻王改卜成都夔人高其誼立祠祀之

吳文憲

淳安縣志淳安人嘗途中值暑浴於河有前浴者遺金四十兩而去文憲見之即托疾卧

其處及晚見金主倉皇而返迎謂曰勿憂吾為汝守金主願以其半酬之固拒不取

程懋正

淳安縣志淳安人任醫學訓科正統間捐資賑濟詔旌義民子敏恭亦好善樂施嘗遇余

姓者鬻妻以償官租敏恭惻然叩其所直  
遂出已資代完其租後應詔授承事郎

馬景福

建德縣志建德人獨力起家資產分推諸弟  
歲飢周恤鄉鄰有稱貸者久則取券焚之以

閭里艱於汲疏鑿甘泉井方廣丈餘覆以  
石欄井眼有六郡守萬觀徃曰德沛甘泉

仇文政

建德縣志建德人五世同居天順間郡旱文  
政輸粟八百斛奉勅旌其閭曰義門子綱成

化閭又輸粟五百斛藩司行府立石萬歷四年其  
族孫鍊錢二人復輸粟二百五十斛府給冠帶以  
榮其身

阿寄

田汝成阿寄傳淳安徐氏僕也徐氏昆弟別產  
而居伯得一馬仲得一牛季寡婦得阿寄阿寄

年五十餘矣寡婦泣曰馬則乘牛則耕踉蹌老僕  
迺費我藜羹阿寄歎曰噫主謂我力不如牛馬耶

迺畫策營生示可用狀寡婦悉簪珥之屬得銀一十二兩畀寄寄則入山販漆期年而三其息積二十年而致產數萬金為寡婦嫁三女婚兩郎齋聘皆千金又延師教兩郎既皆輸粟為太學生而寡婦則阜然財雄一邑矣頃之阿寄病且死謂寡婦曰老奴馬牛之報盡矣出枕中二楮則家計鉅細悉均分之曰以此遺兩郎君可世守也言訖而終徐氏諸孫或疑寄私蓄者竊啟其篋無寸絲粒粟之儲一媼一兒僅敝縕掩體而已阿寄見徐氏之族雖幼必拜騎而遇諸途必控勒將數百武以為常見主母不睚視女使雖幼非傳言不離立也

何永敬

嚴陵志建德人昆季四人並敦義讓父道崇治家嚴肅嘗訓諸子曰吾遠祖起家以來皆

以孝義著聞由高祖希紹至吾相繼不墮又已四世苦等其遵承之勿替永敬諾不忘至天順間益

七世矣一門六百餘指皆同居共爨庭無間言成  
化元年知府張永以事聞於朝詔旌其門第永慶  
姪斌成化中皆嘗輸粟賑飢永  
慶旌為義民斌授七品散官

余仲濟 余際陽 俞則仍 周宗澤 洪增 洪

肅 萬厯遂安縣志並遂安人成化十七年  
奉詔輸粟五百石賑濟飢民賜勅旌異

吳定 壽昌縣志字原正壽昌人累舉孝廉緣親老力  
辭不就延師開義學期以造就一方闢地構公  
堂用以聯屬合族建橋梁修道路  
救災恤患憫匱周窮汲汲如不及

王景貴 建德縣志建德人性好施予見義勇為縣北  
胥村路當孔道環以大溪往來病涉景貴捐  
數千金建石橋長十餘丈郡守李德恢為文紀其  
事題曰胥村義橋其他建安仁橋砌釣臺路鑿塘

築堤人多利賴郡邑嘉之校以  
義官孫大年亦以賑粟旌獎

毛彥恭

萬厯遂安縣志遂安人自其祖希成行義樂  
施為鄉閭冠至彥恭子姓益繁乃建家廟以

聯宗族延師儒以教子弟躬行率衆同居六世食  
指數百雍如也嘉靖十四年監司以聞於朝旌其

門曰  
義門

蔣時慶

萬厯嚴州府志字元吉遂安人為諸生時以  
行優七庠督學旌異迨舉孝廉絕跡公庭里

有以事相觸者義形於色叱之去曰毋污我有稱  
貧者貧不能償即面焚其券市中偶見鬻妻者詰  
其故曰迫於責即捐資代償值歲大  
飢傾囊賑濟其好學循禮至老不衰

洪國史

壽昌縣志字君鑑壽昌人萬厯壬子中北闈  
副車慕范文正公之風捐田二頃半輸縣半

翰學以濟族衆邑人  
有義田錄記其事

商汝泰

淳安縣志字景亨文毅公輅之孫嘗作勸世直說戒火墓論鄉人多化之自港口至文嶺

山路險隘多坍塌汝泰開拓修砌行者便之凶歲鄉民貸穀不取息有不能償者焚其券遇野有殍捐棺以掩埋之累舉鄉飲賓不赴

毛志宸

遂安縣志號養初遂安人兄弟共釜而炊析箸日相向涕泣宗黨義之貧民貸粟不能償

輒自引避志宸慰撫之更貸馬免其券

蔣試黿

建德縣志字後峯建德人同里洪子思通糧鬻女試黿代償遣嫁閩商林颺庭挾資千金

過巖病篤封識寄黿黿乃厚殮之遺示其家越三年若子來取前銀封識如故其他置渡砌橋不一



人呼為  
蔣老佛

詹應夔

鄉賢留祀冊建德人萬歷間有陳明者因逋糧甚急計賣其媳應夔慨然代納之崇禎間

歲飢疫癘流行貧無資者不能含斂暴露不下千百應夔買木置棺悉為埋塋又創捨棺義會悉力

施捨

國朝康熙十三年祀鄉賢祠

吳叔文

壽昌縣志壽昌人好施不望報邑令李睿新縣治首以巨材輸焉邑營學宮助資甚厚嘗

奉救荒例輸粟三百斛義得立石力辭之

程煒

淳安縣志字克明淳安庠生以麟經名專門遠近負笈者雲集開義塾於西坡每歲輸穀二百

石以贍來學一時科貢咸出其門

余材

遂安縣志字大用遂安人父琛舉子五材最少父析產欲私以膏腴固辭曰諸兄湊先者三入

一嬰疾諸孤侍哺忍獨受私乎父曰若後昌矣生平恂謹無厓異臨取與則毅然不苟常捐資佐人急里中項某逋賦將鬻妻出錢代輸之

余亦新

壽昌縣志壽昌人嘗捐資助建青龍塔賑飢民六百口郡守旌為善人榮以冠帶

國朝

毛之履

舊浙江通志字太素遂安縣庠生生平焚券嘗數十計佃戶以稗濕充租置不問曰吾姑

譬之鼠雀耗耳子際可知固城縣誠之曰吾祖肖環為令不受一錢汝善繼先人之志每聞便民事則竟日喜時水決五門堰際可日夜堵築一邑得全比歸之履慰勞備至是夕平善如故夜五鼓乃

端坐而逝

章可聞

舊浙江通志字去聞遂安縣增廣生醇厚謹篤待族黨姻睦無間尤喜施予為人排難解

紛閤戶課子凡有善屬文者視若已有多方培植之子潤奇順治甲午舉人

詹惟聖

鄉賢留祀冊字乃庸建德人順治壬辰進士歷江西學道家凡有益地方之舉莫不慨

然獨任濬築東西湖壩以及派溪橋梁增設南關東館建昌小里等義渡行人不病沙凡貧民無力婚娶及喪塋者助給之康熙二十二年五月郡城水災特甚一時米價騰貴惟聖竭資往省貴糶賤

糶全活甚衆

蔣子貢

建德縣志字少峯初居東關地闢遇溪水泛濫尸觀隨流持錢立闕

隣有鬻妻于及  
殮者咸罄囊助

蔣鳴梧

鄉賢留祀冊建德人由進士擢監察御史康熙二十一年邑遭大水民不聊生捐資糴米

賑濟請以倉穀減價平糶又捐資造船隻買地四畝橋以便行者又於東館義渡建造船隻買地四畝田三畝以為渡夫工食又捐助棺木以給貧民捐資募人收溺者尸瘞之力行五十餘年不急

詹開禧

鄉賢留祀冊字子英建德人贈給事中遇時疫流行不惜重費廣製藥餌延名醫診視全

活甚衆每遇水旱於各處買米減價平糶隆冬預製棉衣施捨貧困逢債負逼迫者立為代償不足即將子女所佩釵環傾銷以濟之

方成郊

鄉賢留祀冊遂安人府學廩生樂善好施每年葺橋梁施棺槨助修官路辛卯壬辰間歲

大飢斗米五錢成郟  
煮粥賑荒全活甚衆

張域鄉賢留祀卅分水人天性好施每逢旱潦即捐  
資輸粟煮粥賑濟全活無算他如建南塔造橋

梁施藥施棺贈金贈粟種種善事不  
可勝計兩中副車考授禮部司務

溫州府

晉

俞僉南史張進之傳永嘉人孫恩之亂永嘉太守司  
馬逸之被害妻子並死兵寇之際莫敢收藏僉

為郡吏以家財冒難棺斂逸之  
等六喪送至都塋畢乃歸鄉里

南北朝

張進之

南史本傳永嘉安國人少有志行歷五官主簿永寧安周二縣領校尉家世富足經荒年

散其財救贍鄉里遂以貧罄全濟者甚多太守王味之有罪當見收逃避進之家供奉經時盡其誠力味之嘗避地墮水沈沒進之投水拯救相與沈淪危而得免時剗掠充斥每入村抄暴至進之門輒相約勒不得侵犯其信義所感如此元嘉初詔在所蠲其繇役

宋

陳侃

明一統志永嘉人五世同居無間言至道二年郡守何蒙上其事太宗嘉之詔旌其門

萬規

萬歷温州府志字仁甫樂清人所居海濱有赤水港舊以舟渡覆溺者多規乃竭資率邑里買

石築堤做泉之萬安橋人便之至今名萬橋會詔舉經明行修之士郡以規應詔不行優游田里以

壽終

吳轉

溫州府志永嘉人以農桑為業五世不分爨歲推男女尊長各一人主内外事大小數十口均

給馬

潘安固

萬厯溫州府志字仲碩平陽人大觀中舉八行郡以其名應詔不就紹興初王師討寇范

汝為道經平陽官民駭避安固散財粟資戰士邑賴以安韓世忠上其勞以宣德郎召不赴

陳瑾

葉適陳瑾墓誌字國器平陽人其行常損己益物而最著者在東塘初縣驛道東北皆行水中

激淖墊沒數十里晨暝風雨咫尺斷還往合一縣之力間乞丐大官厯年猶未備瑾獨用一家之力栽石取底東達之海閱閭而成人以為德號曰東塘陳氏

賈如規

兩浙名賢錄字元範樂清人宣和中補太學生靖康之難諸生欲逃去如規曰吾輩久被

教養國家陷危乃求苟免乎後以特奏名調廣昌尉再調興國軍司理不赴讀書鹿巖下重義好施

族里賴之時稱尚義  
篤行者必曰賈司理

吳康

萬厯温州府志字寧叟永嘉人登紹興第行誼卓異林季仲貽書有云引失囚之罪歸已推獲

盜之功與人古人不難到矣負亡友遺骸趨數千里歸及汴河有同行死舟中登岸為之發喪仕至

福州  
通判

陳柔

兩浙名賢錄平陽人里人有侵其地者族黨謂當訟之柔曰諾一日具酒食會集議食畢眾請

所議柔曰以酒食飽吏胥何如吾黨自樂之尋丈地不足較也眾愧服人或見陵閉門不競內外呼



為陳

關門

吳蘊古

平陽縣志字醇之登紹興第任太常博士  
傾家資造沙塘陡門宋之才為記

劉愈

萬歷温州府志字進之永嘉人周人之急如不  
及有利病以身為倡必興除之紹興庚午大飢

以家產簿貸於州得米五百斛歸賑鄉里隆興甲  
中又飢郡闕守丞愈獨投匭丐發長平降度僧牒  
轉糴他郡與同里徐謙協力賑拯全活甚衆郡守  
張九成下車問其賢遺書致饋時諺云八枏溪不  
見劉進之適樂清不見賈  
如規是浮洞庭不啻橘也

錢堯卿

温州府志字熙載樂清人事母及寡嫂盡孝  
敬闔族同居三十載無間言歲獻捐穀價以

濟飢民不能償者焚其券紹興間詔訪孝廉  
郡以名上未幾卒紹熙中郡守孫懋表其閭

章公逸

萬厯溫州府志字茂先平陽人紹興間歲大飢悉發其家之所有以貸貧者不責其償後

登科曾孫弼有祖風值歲疫捨櫬千具捐地為義塚瘞之

胡時

萬厯溫州府志字伯正樂清人登乾道第授表州教初得第權貴欲妻以女且示以奩具之盛

辭曰老姑家貧曾以女許嫁不敢背約遂歸娶之

鄭伯英

鄭伯海

永嘉縣志字伯英永嘉人隆興廷對

力興除之第伯海登紹興第家立義塾延師訓生徒五百餘人時稱為二鄭云

徐鉞

萬厯溫州府志字武叔永嘉人乾道辛卯郡大飢米斗至五六百錢守丞諱言鉞獨以書抵朝

中舊知言之丞相以聞孝宗曰永嘉樂土何可使至此趣罷守丞即命出浙東常平倉米以濟之

薛洽

兩浙名賢錄字子周永嘉人入太學會齋舍疫作鮑粹然疾尤篤同舍皆棄去洽獨移卧具與

俱蚤夜治藥餌謹視之三月乃愈粹然每告人曰子周生我登淳熙第通判邵武軍

林仲彝

平陽縣志字清叟平陽人登淳熙第由吏部郎出知台州於本縣築陡門三所開河道五

十五萬五千九百大溉四鄉之田

陳熊

萬厯溫州府志永嘉人慶元六年秋垂菽雨澇田在水下郡守毛憲憂之熊與其子請速決塿

願自備財力償築許之集丁夫一鼓而決稼無損復請傍茅竹山趾版建陡門分流泄江遂免決塿

之患

湯元善

平陽縣志字明善平陽人業醫未嘗索直責報向洋山舊有漏澤園久廢元善捨地數畝

為義塚又在縣北三里蓋  
虛室以停棺柳名曰化亭

林居雅

萬厯温州府志平陽人開禧間邑令瓶陰均  
陡門居雅傾家貲與鄭萬全昆弟及陳子直

等各捐貲協贊一歲而堰成再  
歲而開成乾溢不患其利甚溥

朱古學

樂清縣志字以明樂清人登嘉定第百口  
共鑾四世不分析建同心堂優游終老

曹絳

萬厯温州府志字思厚瑞安人築鄉校於鳳岡  
歲延名儒為師與人無競里稱長者遇歟率族

衆減定里中穀價以便之嘗著家訓四戒以示子  
孫年九十終子沂字文起能繼父志嘉熙庾子歲

太侵傾廩三百石以賑貧民族兄弟有爭田訟久  
弗決沂割已產平之晚以持秦科入官終長興丞

陳光庭

兩浙名賢錄樂清人嘉熙庾子大旱歲飢死  
徙不可勝計光庭創東西二倉聚穀於中令

里人以物質穀不取其息春耕則納質以取穀秋  
斂則納穀而取質民咸德之又捐田八十畝以其  
穀置藥家收遺骸及資貧不能婚嫁病不能醫藥  
者又為歌詩十章以諷勸歲穀之家石室林一龍  
名其倉為集義  
莊為文記之

金城

溫州府志平陽人嘉熙庚子歲飢日設糜  
粥以賑餓者全活甚衆子孫青紫相映

王致遠

永嘉縣志永嘉人嘉熙間浙東大飢致遠分  
僧寺置局為粥日食千人既而隣民駢集日

食至八千人已資不足復借助巨室以續之迨麥  
熟始罷尋廩居養院給薪炭以處老弱之無歸者  
痲慈幼院厚乳哺以活嬰孩之委棄者病為醫藥  
死為殯埋復建永嘉書院及義倉人繪像祀之

陳大有

萬厯溫州府志字鎮固平陽人年飢減價糶  
穀冬寒施楮衾糜粥給因糧南市火民居流

散大有戶餽楮幣一貫米一斛凡濟人事靡不力行之

何遠

兩浙名賢錄永嘉人好義輕財親族朋舊貧者賑之死而無歸者塋之食客日嘗數十人歲或

艱厄貫貸不倦鄉民賴其惠有訟不之官得一言而兩憾俱釋

鄭廉仲

温州府志平陽人城內夾嶼橋外南北歧塘岸各二十五里以朽壤屢圯廉仲倡築甃以

石民利賴之

徐臻

宋史鄉鳳傳温州人父官河南德祐元年春臻往省以道阻會文天祥勤王臻往依之以筆札

典樞密天祥被執臻脫難復來願從天祥北行扶持患難備殫忠款至隆興病死

林景熙

東甌集傳字德陽號霽山平陽人咸淳間由太學釋褐授泉州教官遷禮部架閣轉從政

郎元僧楊總統發宋諸陵棄其遺骨人莫敢收景熙在越佯為採藥以革囊拾之又聞理宗願骨為北軍投潮中以錢購漁者舉網而得乃盛二函託佛經塋於越山植冬青樹識之

鄭樸翁

平陽縣志字宗仁平陽人弱冠入太學咸淳末賜上舍釋褐厯福州教授國子正與友人

林景熙潛拾宋陵遺骸瘞越中歸隱薊山瀑下

元

葉貫道

兩浙名賢錄瑞安人居郭陽紫華山中早喪父事母至孝元初兵至鄉民橫罹鋒鏑暴骨

野中如莽貫道哀之與子堡攜畚檢拾聚而埋之表曰同歸之墓

湯中山

平陽縣志平陽人大德辛卯歲飢穀價騰貴中山減價出糶以濟貧者丙申飢亦如之甲

辰又飢  
亦如之

劉祖行

溫州府志平陽人至正間建交川義塾於縣治北之半塘捐已田三頃山二頃延師以訓

鄉之子弟御史孔洵薦之  
朝授溫州路儒學教授

葉益

萬厯溫州府志字德謙平陽人好施與嘗莖鄉隣之不能莖者十餘喪歲飢出粟賑濟所居前

有巨港二十餘丈舊為木橋屢構屢廢涉者病焉  
益捐貲斲石改建人利其惠號新橋葉氏至正間  
以文學舉任處州  
錄判壽終於家

明

王仁

萬厯溫州府志字壽夫永嘉人好義樂施嘗踏雪登並梅樓四顧烟不起者輒遣人問饋不計



償人因名其樓曰望烟樓歲飢輸粟至五千石  
元時徵召為提舉不就後入明登賢良方正科

王伯初温州府志瑞安人剛介尚氣節方氏據溫其  
守將賈伯嵩戍瑞安參政朱總兵討之檄平

陽總管為應及下溫城賈納款總兵以安民榜畀  
之賈令麾下涂姓者持回至州而平陽應兵已薄  
城下涂恐其擾害急登城張榜厲聲麾退已而總  
兵遣陶指揮至州陶以他事怒涂將斬之衆莫敢  
救伯初奮身解衣請曰斯人曩者張  
榜活我一城願以身代陶兩釋之

謝南

萬歷溫州府志字天啟平陽人洪武辛酉括寇  
大發脅從者衆主兵者募義士往招之南請行

冒白刃諭以禍福衆欣然來歸已而延安侯總軍  
來討南具以狀聞於是止戮渠魁釋者以萬計既  
而朝論難之南復伏軍門叩首請救延安侯為條  
奏始獲原釋時謂其有遏亂救民之功後以薦授

山西  
參議

鄭采

分省人物考平陽人性介特仗義家雖貧客至輒款洽士窮無歸者輒授館或終歲衣食之歲

游飢客持券求謁采僅餘粟五斗貸其五之三故人子遇盜裸跣走訴采盡舉衣衾中履遺之嘗見敝衣躡履行雪中者呼之前予以粟帛亦不問其姓名

侯楫

萬厯温州府志字尚震樂清人與永嘉黃少保淮善少保得君人爭附之楫獨謝歸有郭千戶

者貧且死無後為寔之祖隴戒子孫上塚時必酌郭戶侯無絕也

李孟奇

温州府志瑞安人家殷實好施予凡郡邑僻舍學宮多所營造邑民告飢出粟以賑計前

後出粟萬餘金千餘設義塾義倉義塚義渡郡邑屢上其事朝遣行人黃恕齋璽書勞羊酒旌其門

曰義門

鄒有真

瑞安縣志瑞安人正統間奉例輸粟賑飢立義倉義渡有司上其事勅旌表其門

周普安

周伯靜

萬厯温州府志普安字伯寧平陽人正統二年歲飢輸穀千餘石賑

濟事聞遣行人旌獎復其家第伯靜出穀一千二百五十石賑濟旌為義民

柳靖一

平陽縣志字忠立正統二年飢出穀一千二百五十石助克賑濟事聞遣行人齎勅褒美

勞以羊酒旌為義民復其家

陶文隆

泰順縣志字朝綱泰順人正統己巳寇發自備牛酒犒鄉民結義社保障已而巡撫孫原

貞招致贊畫論功授巡檢以母老辭給冠帶後奉例輸粟三千石賑飢有司旌其門曰尚義

張元

泰順縣志字普生泰順人正統間散廩結義社以禦隣寇又奉例捐粟千石賑飢

王延

甌江逸志永嘉人以利濟為念嘗曰散財濟民其利有限可以長久者惟古之義倉而已得人

掌之其惠無窮也於是置倉貯粟凶散豐斂事聞旌為義民復其徭役

王由

溫州府志字秉璠永嘉人景泰間章綸疏諫易儲建詔獄刑鞫由適就選京師力為周旋及歸

復留金併其一僕以侍之仍畀僕田四畝卹其家

呂斌

萬厯溫州府志字是質永嘉人成化丙午歲飢代輸通都戶口鹽米嘗於海壇造舟濟渡仍舩

館舍以憩行者他若建石壘東岸大塘大壩接等橋及治樂清館頭塘路凡費千餘金又出粟賑飢

弘治辛酉詔旌其門

陳仲泰

溫州府志平陽人成化癸卯捐貲建預備倉入粟千餘石事聞賜七品散官

林天爵

平陽縣志與弟信爵世居平陽之宋埠弘治庚戌歲飢日設粥於門以飼餓者造橋梁濬

塘河修堤岸立義塾暑月施茶濟渴凡冠婚喪祭悉遵古禮闔族化之

何淮

永嘉縣志永嘉人家饒樂施里有舉女者必遺以粟帛道拾遺金候還其人不得捨於寺入城

市木閭婦哭甚哀促問乃負債莫償者盡以市木金代償焉弘治戊午飢出粟數百石貸鄉人已而悉焚其券及掌鄉賦復值歲飢代輸通都鹽米時疫繼作則倩醫施藥死則具棺槨凡利人事無不為之

葉溥

平陽縣志字愛周平陽人父鉉以尚義補郎溥承先志父造舟象口渡以濟人溥更為葺治數

十年不替弘治丁巳築萬全塘為橋以便行旅歲飢施飯以飼餓者死則予櫬會有詔勸民賑助又率其弟咸芳出粟如令皆受章服

**葉察**

萬厯温州府志字彥榮永嘉人娶陳氏察年二十五而陳卒誓不再娶妻黨痛其子幼勸之娶

泣辭邑令李丕顯旌之

**趙欽善**

温州府志字良修樂清人邑大侵設糜粥以賑建宗祠置義塚施槿築橋正德間以輸粟

賜建尚義坊壽一百二歲

**宣鐸**

樂清縣志樂清人家蒲岐族里有餓者常食之有田三頃臨歿以三之一分賙所親楠溪有接

蒲嶺極險峻人往往墮死鐸嘗捐金百餘鑿為坦途

趙文韶

萬厯温州府志字克虞樂清人居近沐簫泉捐金數百構道院書舍跨溪築橋樹來鳳八

老亭嘉靖乙巳歲飢出粟千石賑濟郡守洪垣優獎之又嘗築鄧公橋砌官路置渡船七舉鄉賓壽

九十餘

陶灌

泰順縣志字君敬泰順人嘉靖庚申大侵灌諭家人曰但稱貸來者即予毋吝人多賴全活遷

學捐貲創建學門又倡義協族建祠捐田二十畝為祭具三十畝贍子弟讀書友人貧不自給者必

周助不能償者焚其券邑令偏其門曰羅陽高士

陳元汾

温州府志樂清人百口同爨財無私蓄事無專行即婦女亦歡然無間言

徐友文

萬厯温州府志字彥章樂清人有張堂者苦貸鬻妻遂遇友文即為贖之歸語其妻鄭更

益之財為女買媵詢知良家子輒還之  
不索價後貧乏治園以活處之泰然

方輜樂清縣志樂清縣庠生友人屠希顏無子妾有  
孕妻悍不能容希顏以託輜即闢書舍居之候

子稍長乃還屠  
氏人稱篤行

孔聞昂平陽縣志平陽人萬厯乙丑年飢出粟一  
千石賑濟邑令萬民華詳請建坊旌表

梅光宗溫州府志永嘉人萬厯戊午歲飢出粟五百  
餘石賑濟崇禎庚午疫施棺二百置義塚修

城垣葺文廟助建巽山塔築塘修橋  
費數百計累舉鄉賓壽八十有九

## 國朝

謝包京鄉賢留祀冊永嘉人順治乙未進士授河南  
陽武令事親孝待宗族甚厚倣范文正公義



田法設義租數百石俾族之公正殷實者主之凡讀書婚嫁無力者酌量周卹藉以成立者甚衆學宮傾圯捐塗田四百畝以助鼎新所積租穀永為修葺之費甌郡海氛犯順遠近戒嚴包京同守土官登城固守鄉民被難入城餓殍載道乃悉出庾粟煮粥賑贍為好義者倡全活無數

陳遼

公舉事實永嘉人天性孝友尤急人之難婚喪賑卹無倦色康熙甲寅耿逆難作偽帥曾養性

盤踞永嘉逼受偽職備見拷掠不受逃入六科山中避之乃免嘗協修文廟得石刻朱子像於土中建祠祀之捐田八十畝以奉祀事司訓蔡啟份為文紀於石子王綬乙未進士任郊縣知縣贈遼如其官

處州府

宋

潘惟德

景寧縣志字天輔處州人嘗值歲荒穀價湧貴家素豐獨捐其值如平時鄉人賴之皇祐

中歲大歉出穀貸鄉里約歲稔共還後還者無幾亦不復問有邑民曾以事相訟至是亦求貸與之或曰此嘗構訟者也德曰彼忍恥見投其窮已甚慝怨不與是小人也鄉人稱為長者

鄧熹

嘉靖浙江通志其先三衢人客遂昌因家焉宣和間睦寇方臘倡亂其黨洪載侵犯松遂熹與

父將仕郎昌特捐家貲集鄉民繕甲兵入邑禦侮與賊百餘戰獲俘馘數千級載降郡守黃葆光上其功授昌承節

郎熹遂昌尉

毛允理

崇禎處州府志青田人紹興間水溢民居蕩然死者無數允理覓巨舟救溺得活者多水

落沙土壅積如山因撥去沙土獨允理屋宇几席器皿如故有司以其事聞於朝封奉議大夫表其

坊曰  
進德

潘好古

兩浙名賢錄字敏修松陽人值歲飢傾廩以賑窮餓一日山水驟發陸地皆成巨浸好古

與同處者數十人方虞墊溺忽有操舟來援者好古諭舟人先濟餘人舟人曰吾德公故冒險來好

古曰濟人猶濟我也  
卒先餘人而後濟

王灌

松陽縣志松陽人乾道中以賦役重繁首倡義役役之先後視籍田之多寡為次行之三十年

而訟不抵  
於有司

郭泰亨

括蒼彙紀字亨甫麗水人淳熙進士會昌祖儉詆韓侂胄貶韶州泰亨素交祖儉因贐其

行坐黨禁禁解註清流縣令擢臨安府城南都廂  
時史彌遠當國有尚書忤其意者繫獄委官鞠問  
泰亨辨其無罪不肯枉置  
於法彌遠怒遂致仕歸

毛當時 崇禎處州府志字行道青田人由紹興進士  
倅韶州積俸餘白金八百兩散之親舊無留

貲暨守雷州歸復  
捐田以益義廩

楊大同

兩浙名賢錄松陽人素業賈寓武林邸舍忽  
聞隣哭甚哀詢之乃王尉失囚獲罪驚女以

贖故相泣別大同惻然遂傾囊以貸王尉慚謝叩  
其居里姓名而別他日大同壻鄭克寬登進士調  
鄂州監酒稅時鄂守即王尉也克寬以公事候門  
守覺其鄉語類大同乃進而問曰汝貫何處對曰  
括之松陽汝識楊大同否曰妻父也守驚曰汝外  
翁在否曰死矣惟妻母見留此守曰為我迎楊媪

來至則坐媪於堂率子女羅拜於下以母事之置克寬於幕而薦之

李端履

括蒼彙紀縉雲人嘉熙庚子歲飢告其父楚孫曰人飢且死能獨飽耶父曰兒勉之會郡

募發粟賑飢七邑無應者端履首應命復移粟他邑事聞授樂清簿旌其里曰樂善坊

項宜中

松陽縣志字誼甫松陽人族有橫逆者奪其田曰在彼猶在此也嘉熙間歲祲郡守馬光

祖欲行富鄭公青州故事誼甫即先輸粟二千石以應之

王允卿

兩浙名賢錄字成之松陽人嘗往括城索逋宿其家夜遣其妻叩門允卿閉門不納遲明

即歸不復索每寒雪起視鄰爨不烟者密以米置其門歲飢山民煽亂輒議曰我等至縣必驚西門

王朝奉奈何終不入邑民賴以安

程大雅

松陽縣志字正之松陽人遇歉嘗捐廩以惠鄉鄰雪中視鄉鄰不火者以米贈之占籍二

都助田三十畝以資都役人有鬻妻兒者以財帛周之其人以荒山一區為報大雅收以莖親即今

五龍搶珠地也後子孫登顯要

蕭必強

括蒼縣紀字功甫松陽人舅氏劉無子歸田五十畝屬以後事及歿厚治喪塋立劉氏後

還其田景定初舉孝廉不就

王嚴

崇禎處州府志字敬之麗水人咸淳末受知於李宣慰累薦為官固辭不拜嘗捐已財砌浮雲

二鄉石衢四百七十餘丈

黃國華

貝瓊黃國華傳字叔文麗水人性方嚴好禮終日衣冠危坐而施舍無倦歲歉必賤直糶

穀以活民或大雪有不舉火者輒遺之里中爭者多從直其辭德祐間惡少羣聚為盜包氏族最強號包家洞林某能搏虎號林大將劫掠旁郡吏莫敢制惟憚國華不犯境一日殺牲盟里橋圖為變國華適過之喻以禍福因出金帛曰汝等以貧故為不義以此助汝何如衆慚弗敢取而去迺追與之所居之地曰弱溪元兵下處州諸大家右族爭避患其中重貨山積及聞兵猝至委之而去居人欲乘時畧所有國華命左右收一室事定召其主悉歸之

元

劉濠

張時微劉濠神道碑字浚登青田人宋翰林掌書慈惠好施每淫雨積雪登高而望里中有不

舉火者即分廩賑之會宋亡乃荒邈自適時有林融者徵聚義旅興復宋室元討平之逮融至京世

祖義而弗殺融歸至甌越之間地名牙陽四谿者復嘯其徒元乃馳驛使簿錄其脅從將盡藏之而鄉豪因以讐怨相傾引善良鮮有脫者使者返夜次武陽會天大雪與居民百錢市酒市者至濠家具語之故濠即間行謁使者得所簿錄數心惻之乃盛供具以逆使者醉而寢之樓探篋啟牘錄其渠魁二百人遂火其居焰灼於樓倉皇掖使者跣而走詰旦大恚曰將何藉以復闕下殆誅死不赦矣濠曰濠不幸灾於居室震驚使者濠誠死罪意者簿錄有冤天欲生之乎以前所錄二百人授之餘所全活無筭濠即文成公基之曾祖也

陳錡

括蒼梁紀字叔和麗水人元季寇發錡散財結士擊而平之報功授温州錄事判官

明



吳亨

括蒼彙紀松陽人元季以浙東副元帥舒穆魯宜孫命出資財築處州左渠城五十丈洪武十四

年縣西橫源山民倡亂縣帖下亨率鄉人逐捕其黨閭里咸賴以安繼又出私帑造船於縣之金梁

烏石二渡以濟行者

梅熙

兩浙名賢錄字景和縉雲人通經有學行少受業於番陽朱公遷別餘二十年千里聞訃熙至

番陽為服心喪三年洪武初舉博學明經撫安永軍民卒於官

吳子聽

崇禎處州府志麗水人居家篤行孝悌鄉人有不平者多往質之宣德間歲歉捐租為鄉

民代輸額賦

葉子雲

括蒼彙紀青田人為三鄉老人正統間闖寇竊發沐溪等處皆為巢穴朝命都御史陳詔

提兵討之子雲詣軍門白曰能以寸舌退此賊不煩寸兵乃單步見賊諭以禍福賊夜出女子四人侍寢白金一盤為餉悉謝不受賊義之一夕適散子雲籍所棄輜重并婦女四百口入官事聞議授以官固辭不就

朱子堯

舊浙江通志字仲穆遂昌人讀書好古以義槩自持鄉人有鬪者就質其是非一言而解

正統間宣平寇入境募其德義大書於門曰積善之家相戒勿犯一鄉獲全

葉鉅

括蒼壟紀字伯廣麗水人正統間鄉民飢饉出粟四千斛賑之郡上其事有義民之勅又山寇

猖獗畫策靖之以功授巡檢辭不受乃陳情乞移贈其故父孟昭詔允之

鄭彥性

縉雲縣志縉雲人正統戊午歲飢彥性出粟二千石濟之有司以聞旌其義

葉仲儀

慶元縣志慶元人正統庚申大荒仲儀詣闕輸粟一千五百石賑飢詔旌義民賜宴成化

丙辰又荒仍輸粟五百石詔授七品散官

吳彥恭

慶雲縣志慶元人正統庚申大飢輸粟一千五百石詔旌義民

包秉鑑

崇禎處州府志字孔明遂昌人喜拯人患難周人急乏正統壬戌連歲大飢奉詔出粟賑

濟賜勅旌之

應懷真

崇禎處州府志縉雲人正統癸亥歲歉出粟一千五百石賑濟有司建坊旌義

湯如迪

景寧縣志景寧人正統七年歲飢出穀二千二百石賑濟有司建義門旌之

華存禮

崇禎處州府志字仲察遂昌人正統七年歲凶出粟賑濟旌為義民

丁叔顯

縉雲縣志縉雲人嘗遇橫屍於道輒買棺函

顯焚其券仍給粟五石正統間歲飢發粟二千五百石賑濟徃為尚義

丁叔通

縉雲縣志縉雲人見學宮舊路西出慷慨捐基二十大餘令南向縣倍償其值辭曰念一

邑文運所關吾子若孫亦欲由是路豈願直乎有司以事聞徃其義世免差役

吳潭

兩浙名賢錄字源潔遂昌人少為諸生嘗出行道上見一人號泣赴水潭詰其故曰縣官徵租

急無以償適鬻產得金將以輸官因醉道遺覺而覓之不得也不死何待潭立止之因給曰拾金者我也而第隨我歸其人收涕謝遂隨潭歸潭止之堂上飲食之急令人鬻家具如其數以償未幾領北閭鄉薦司李常德終吉安通判

何允恭

括蒼景紀字克讓麗水人事父母以孝厚恤甥孤尤喜施予家世以醫名允恭益張其業

好施予每晨興袖藥餌視疾以次徧及不責其報獄中苦疫輒施藥療之

周公泰

慶元縣志慶元人成化戊戌公泰納粟一千石賑飢詔旌其門

李珊

崇禎處州府志字玉泉縉雲人負俠多義舉里中無力娶者出資為婚喜人乞假不厭弘治四

年歲大侵易產得八千金分道嘉湖告糴救賑遠近活者不可數計

陶旦

縉雲縣志字信民縉雲人少時以事累繫都察院獄有永康池姓者亦被繫既遇宥池與妻俱

亡止一女及笄旦攜抵家嫁彼縣金良及旦卒良夫婦來弔泣曰公之心事雖柳下惠不能過也

何珙

括蒼景紀字良璧麗水人事親以孝聞撫諸弟姪友愛彌篤姻戚有不能為生計者轉貸以給

而自償之郡守董公將拓學前池垣遂捐地為助  
後家人乞緣波亭址抵前地因架樓其上時珙就  
養京師及歸聞之瞿然曰此古蹟也  
安得專為已有命毀之墟其地以還

王敦儀

青田縣志字應望青田人嘗讀書法海寺一  
日歸道遇一人攜金銀釵釧值數十金忽怔

忡仆地敦儀懼為後至者所攫乃立待其甦檢付  
之嘗展墓見有人盜砍樹木恐其驚墜戒從者勿  
呵從別道而回子一  
中成進士官古田令

王三接

崇禎處州府志字汝晉處州衛人重義好施  
嫻族待以婚喪嘗自莊回渡石牛舟中拾遺

金驗係縣胥催租輸官之物俟其人不至歸即潛  
令代納仍粘票櫃側不使知其為已也屢薦賓筵  
壽八十  
餘而終

吳文煥

龍泉縣志字碧泉龍泉人嘉靖癸丑歲飢賑米三百石活流亡千家建濟川橋起渤海祠

皆出重貨

管潮

青田縣志字時信青田人隆慶庚午年飢輸穀一百二十石以賑縣令表其閭

黃五

景寧縣志景寧縣民隆慶間掘地得金捐建沈莊橋以便往來

蘇廷榮

崇禎處州府志遂昌人家世業醫至廷榮益精其技歲大疫遍行診治其貧不能具藥者

施之道拾囊金坐候失主半日不至前行十里許有赴水幾危者飲以藥俟少甦詰之云是徽州木商汪榮即失金之人也遂畀之龍泉令贈以詩有常施篋裏君臣藥笑擲人間子母錢之句壽八十終

周李

崇禎處州府志遂昌人族黨中婚塋有不舉者親為經紀歲侵輸粟備賑有佃戶逋租積百餘

石納女充婢以償卻不受更予衣米以遣嫁之或負錢者貧不能還即焚其券當道屢嘉獎與蘇廷

榮俱書名

於旌善亭

謝福

縉雲縣志縉雲人丁嵩義子嵩仕田州經歷死於兵幼子璫役入土官為奴時福與妻先歸中

途聞變詢督運姚鏌知璫所在姚語以險阻福曰義父不可以無嗣遂鬻妻為貴及田州求璫土官

不與乃日夜環哭其門經半載土官父憐之力主還璫攜至途贖妻同歸後為擇配以全嵩祀

趙文德

崇禎處州府志字秉仁縉雲人邑東南馮鞍嶺衝險行者病之文德捐貲平治遂成坦途

復建半嶺亭以休風雨又滌嶺界仙居盜賊出沒文德相地利築寨門為防禦地方藉以安萬歷戊



子歲飢減直應糴有不能舉火者子粟有欲鬻妻子者子鎡全活甚衆而無德色

項森

遂昌縣志字子秀嘗業儒弗售棄去精岐黃術每以醫藥濟人爲事雖傾橐弗恤也萬厯初邑

旱飢乃鬻田賑粥多所全活幼時祖所置四茶亭田若干歲久爲豪強侵沒及長悉贖之邑有相構爭者得其言即立解人比之王彥方云

高岡

崇禎處州府志字子升處州衛人篤友誼時弟通官賦三百金就逮岡爲代償親族有喪悉厚

賻之凶年出粟以賑飢族姪貧爲婚娶經紀其生萬厯乙酉洪水間出袖金以賑被患之甚者麗水令樊某以世德偏其廬享年九十有五

朱昌

崇禎處州府志字希盛縉雲人萬厯戊子歲侵發穀數百石活數百家戊戌又侵復倍賑全活

者亦倍有司給冠帶旌義俱堅辭不受長瀾楊漸  
二渡各郡通津病涉多淪溺捐數百金建立石埠  
往來者德之有待舉火者  
無不應壽八十一而終

夏應純

崇禎處州府志字心葵青田人萬厯己酉洪  
水衝塘堰殆盡應純獨捐貲修築灌田四百

畝鄉人  
德之

葉以萃

崇禎處州府志字仲秀遂昌人建育英樓以  
教族姓捐租七十畝為膳置渡船龍口獨山

焦灘三處各捐租債給舟人邑北東梅橋二十都  
獨口橋圯咸以石易之往來始免病涉讓吉穴以  
厝其兄為裝姪婚娶巡  
按金忠士給扁旌之

丁天祐

縉雲縣志縉雲人克篤孝友立家塾嚴訓子  
孫四世同居里被其化而息爭訟歲飢嘗捐

粟以賑縣屢旌獎舉  
鄉飲七壽九十而終

鄭文誥

崇禎處州府志字天章遂昌人嘗置定溪義渡以濟病涉建洞峯嶺茶亭以便往來

李珩

縉雲縣志字朝琮事親色養與兄析業遜腴取瘠伯兄珩進士無嗣以已子繼之復讓遺業以

振仲兄之乏偶見遺金於路守其人至還之有窮民遺糧被繫捐金代輸歲飢破圉興工使食力者果腹以所值贍其家里中或質成片言剖分輒為意釋咸擬之陳太邱云

張鶴翼

崇禎處州府志字鳴皋麗水人居河埠有徽商以幣物數筭見寄遂往甌逐販適家遭

回祿鶴翼寧緩已物盡出所寄商聞變意不可復得比至一無所失喜出望外

李繼澤

縉雲縣志字濟宇縉雲人應秋試偶與潘商同舟潘主僕染疫僕死同舟友皆中道棄去

繼澤獨為調湯餌及愈潘出金七百欲分半以謝  
堅辭不受繼澤無子潘又欲以女為之妾繼澤不  
可越兩月潘復攜女至拒之如初月  
餘妻陶氏自娠六歲內舉七丈夫子

張學甲

崇禎處州府志字思過麗水人邑廩生潰兵  
掠括鄉人男女避亂於鳳山後寨學甲出為

兵所獲給之曰引我至寨當免爾死學甲厲聲曰  
吾何惜一人之生以免衆鄉人之厄遂自竄深淵  
而死

包萬有

鄉賢留祀冊字似之遂昌人行誼淳謹事繼  
母克孝嘗建立社倉崇禎初頒行義倉萬有

獨捐穀一百石以助闢兌峯書  
院延師以教鄉人修括蒼郡志

浙江通志卷一百八十九